



2024/1321

13.5.2024

RIALACHÁN CUR CHUN FEIDHME (AE) 2024/1321 ÓN gCOIMISIÚN
an 8 Bealtaine 2024

lena leasaítear Rialachán Cur Chun Feidhme (AE) 2018/2067 a mhéid a bhaineann le fíorú sonraí agus creidiúnú fíoraitheoirí

(Téacs atá ábhartha maidir le LEE)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Threoir 2003/87/CE ó Pharlaimint na hEorpa agus ón gComhairle an 13 Deireadh Fómhair 2003 lena mbunaítear córas maidir le lamháltas astaíochtaí gás ceaptha teasa a thrádáil laistigh den Aontas agus lena leasaítear Treoir 96/61/CE ón gComhairle ⁽¹⁾, agus go háirithe Airteagal 15, an tríú fomhír agus Airteagal 30f(1) agus (5), an dara fomhír de,

De bharr an mhéid seo a leanas:

- (1) Tar éis leasú ar Threoir 2003/87/CE le Treoir (AE) 2023/959 ó Pharlaimint na hEorpa agus ón gComhairle ⁽²⁾, ní mór Rialachán Cur Chun Feidhme (AE) 2018/2067 ón gCoimisiún ⁽³⁾ a leasú ionas go n-ionchorpraítear rialacha a bhfuil feidhm acu maidir le fíorú astaíochtaí gás ceaptha teasa ó shuiteálacha loistche dramhaíola cathrach ag a bhfuil ionchur teirmeach rátaithe iomlán is mó ná 20 MW. Chun cineálacha cur chuige comhchuibhithe a áirithiú sna suiteálacha uile a dhéanann gníomhaíochtaí loistche, ba cheart feidhm a bheith ag na ceanglais chéanna maidir le suiteálacha loistche dramhaíola cathrach agus maidir le suiteálacha dócháin eile. I gcás nár cheangail Ballstát ar an tsuiteáil loistche dramhaíola cathrach cead astaíochtaí gás ceaptha teasa a bheith aici dá dtagraítear in Airteagal 4 de Threoir 2003/87/CE, ba cheart don fhíoraitheoir a mheasúnú a dhíriú ar chomhlíonadh an phlean faireacháin.
- (2) Le Treoir (AE) 2023/959, leathnaíodh raon feidhme na ngníomhaíochtaí a liostaítear in Iarscríbhinn I a ghabhann le Treoir 2003/87/CE maidir le táirgeadh ola, táirgeadh iarainn, táirgeadh alúmanaim agus alúmana, táirgeadh hidrigine agus iompar CO₂ trí mhodhanna eile nach piblínte iad. Chun ailiú a áirithiú idir Iarscríbhinn I a ghabhann le Treoir 2003/87/CE agus raon feidhme na ngníomhaíochtaí ar cheart an fíoraitheoir a chreidiúnú ina leith ionas gur féidir leis fíorú a dhéanamh sna hearnálacha sin, ní mór raon feidhme an chreidiúnaithe in Iarscríbhinn I a ghabhann le Rialachán Cur Chun Feidhme (AE) 2018/2067 a thabhairt cothrom le dáta.
- (3) Tar éis oibleagáid a thabhairt isteach in Airteagal 10a(1), an tríú fomhír, de Threoir 2003/87/CE chun leithdháileadh saor in aisce a dhéanamh coinníollach ar chur chun feidhme beart feabhsaithe éifeachtúlachta fuinnimh, áiríodh rialacha nua i Rialachán Tarmilgthe (AE) 2019/331 ón gCoimisiún ⁽⁴⁾ chun a leagan amach cá huair a mheastar gur cuireadh chun feidhme moltaí ó na tuarascálacha iniúchóireachta fuinnimh nó ó chórais bainistíochta fuinnimh dheimhnithe i gcomhréir le hAirteagal 8 de Threoir 2012/27/AE ó Pharlaimint na hEorpa agus ón gComhairle ⁽⁵⁾. Réamhriachtanas tábhachtach chun cur chun feidhme na moltaí sin a léiriú is ea an deimhniú ón bhfíoraitheoir le linn fhíorú na tuarascála ar shonraí bonnlíne nó, i gcás inarb ábhartha, na tuarascála bliantúla ar an leibhéal gníomhaíochta, go bhfuil cur chun feidhme na moltaí maidir le héifeachtúlacht fuinnimh curtha i gcrích. Dá bhrí sin, tá sé fíor-riachtanach sraith rialacha comhchuibhithe a sholáthar maidir leis na seiceálacha atá le déanamh ag an bhfíoraitheoir chun a dheimhniú go bhfuil cur chun feidhme na moltaí maidir le héifeachtúlacht fuinnimh curtha i gcrích.

⁽¹⁾ IO L 275, 25.10.2003, lch. 32, ELI: <http://data.europa.eu/eli/dir/2003/87/oj>.

⁽²⁾ Treoir (AE) 2023/959 ó Pharlaimint na hEorpa agus ón gComhairle an 10 Bealtaine 2023 lena leasaítear Treoir 2003/87/CE lena mbunaítear scéim um liúntais astaíochtaí gás ceaptha teasa a thrádáil laistigh den Aontas, agus Cinneadh (AE) 2015/1814 i ndáil le cúlchiste cobhsaíochta margaidh a bhunú agus a fheidhmiú do scéim trádála an Aontais maidir le hastaíochtaí gás ceaptha teasa (IO L 130, 16.5.2023, lch. 134, ELI: <http://data.europa.eu/eli/dir/2023/959/oj>).

⁽³⁾ Rialachán Cur Chun Feidhme (AE) 2018/2067 ón gCoimisiún an 19 Nollaig 2018 maidir le fíorú na sonraí agus creidiúnú fíoraitheoirí de bhun Threoir 2003/87/CE ó Pharlaimint na hEorpa agus ón gComhairle (IO L 334, 31.12.2018, lch. 94, ELI: http://data.europa.eu/eli/reg_impl/2018/2067/oj).

⁽⁴⁾ Rialachán Tarmilgthe (AE) 2019/331 ón gCoimisiún an 19 Nollaig 2018 lena gcinntear rialacha idirthréimhseacha uile-Aontais le haghaidh leithdháileadh lamháltas astaíochtaí saor in aisce comhchuibhithe de bhun Airteagal 10a de Threoir 2003/87/CE ó Pharlaimint na hEorpa agus ón gComhairle (IO L 59, 27.2.2019, lch. 8, ELI: http://data.europa.eu/eli/reg_del/2019/331/oj).

⁽⁵⁾ Treoir 2012/27/AE ó Pharlaimint na hEorpa agus ón gComhairle an 25 Deireadh Fómhair 2012 maidir le héifeachtúlacht fuinnimh, lena leasaítear Treoracha 2009/125/CE agus 2010/30/AE agus lena n-aisghairtear Treoracha 2004/8/CE agus 2006/32/CE (IO L 315, 14.11.2012, lch. 1, ELI: <http://data.europa.eu/eli/dir/2012/27/oj>).

- (4) I gcomhréir le hAirteagal 22a(3) de Rialachán Tarmligthe (AE) 2019/331, tá an fíoraitheoir le seiceáil an bhfuil feidhm ag eisceacht ar choinníollacht faoi Airteagal 22a(1), an dara fómhír, de Rialachán Tarmligthe (AE) 2019/331 mura bhfuil cur chun feidhme na moltaí maidir le héifeachtúlacht fuinnimh curtha i gcrích. Chun deimhneacht dhlíthiúil agus cóir chomhionann a áirithiú idir cásanna inchomparáide, is gá rialacha comhchuibhithe a shonrú maidir le measúnú ón bhfíoraitheoir ar chur i bhfeidhm na n-eisceachtaí sin.
- (5) Ionas go ndéanfaidh an fíoraitheoir na seiceálacha riachtanacha ar chur chun feidhme na moltaí maidir le héifeachtúlacht fuinnimh nó ar chur i bhfeidhm na n-eisceachtaí ó choinníollacht, ba cheart don oibreoir fianaise agus faisnéis ábhartha a sholáthar don fhíoraitheoir a bhaineann le cur chun feidhme na moltaí maidir le héifeachtúlacht fuinnimh agus le cur i bhfeidhm eisceachtaí le linn chéimeanna ábhartha an fhíorúcháin.
- (6) Chun an fhaisnéis is gá a sholáthar don údarás inniúil chun a chinneadh ar comhlíonadh na coinníollacha maidir le leithdháileadh saor in aisce i gcomhréir le hAirteagal 22a de Rialachán Tarmligthe (AE) 2019/331 agus an gá an leithdháileadh lamháltas astaíochtaí a laghdú, is gá rialacha sonracha a thabhairt isteach maidir leis an tuairisciú ón bhfíoraitheoir ar thorthaí na seiceálacha deimhniúcháin agus ar aon bharúil a fuarthas le linn na seiceálacha deimhniúcháin sin.
- (7) Le hAirteagal 10a de Threoir 2003/87/CE, ceadaítear d'oibreoirí an laghdú ar an leithdháileadh saor in aisce a chur ar ceal tar éis dóibh moltaí maidir le héifeachtúlacht fuinnimh a chur chun feidhme. Réamhriachtanas maidir leis an gcur ar ceal sin is ea an deimhniú ón bhfíoraitheoir mar chuid d'fhíorú na tuarascála bliantúla ar an leibhéal gníomhaíochta go bhfuil cur chun feidhme na moltaí maidir le héifeachtúlacht fuinnimh curtha i gcrích. Chun tacú le timthriall bliantúil a bhunú chun na gcríoch sin, tá sé tábhachtach go ndéanfar obair leantach ar bharúlacha a thug an fíoraitheoir le linn fíoruithe roimhe sin maidir le cur chun feidhme na moltaí, agus go ndéanfaidh fíoraitheoirí é sin a sheiceáil i bhfíoruithe ina dhiaidh sin.
- (8) Ceanglaítear le hAirteagail 4 agus 6 de Rialachán Tarmligthe (AE) 2019/331 go ndéanfaidh an t-údarás inniúil an plean modheolaíochta faireacháin a fhorghnó. Maidir leis na forálacha a bhaineann le bailíochtú na modheolaíochta faireacháin ag an bhfíoraitheoir in éagmais formheas ón údarás inniúil, tá siad imithe i léig agus ba cheart iad a scriosadh dá bhrí sin.
- (9) Is léir ón taithí a fuarthas maidir le cur i bhfeidhm Rialachán Cur Chun Feidhme (AE) 2018/2067 gur gá soiléiriú a dhéanamh ar an gceanglas ar an bhfíoraitheoir seiceáil a dhéanamh ar chomhlíonadh na gcritéar maidir le hinbhuanaitheacht agus le laghduithe ar astaíochtaí gás ceaptha teasa, a leagtar síos in Airteagal 29(2) go (7) agus (10) de Threoir (AE) 2018/2001 ó Pharlaimint na hEorpa agus ón gComhairle ⁽⁶⁾, i gcás ina n-úsáidtear breoslaí bithmhaise. Ar mhaithe le soiléireacht, ba cheart foráil a chur isteach chun a cheangal ar fhíoraitheoirí comhlíonadh na gcritéar sin a sheiceáil.
- (10) Is léir ón taithí a fuarthas gur gá a shoiléiriú cá huair a dhéantar cuairteanna fíorúla ar an láithreán agus cén fáth, agus cá huair a rinneadh an chuairt fhisiceach dheireanach ar an láithreán. Leis an bhfaisnéis sin is féidir le húdaráis inniúla agus na comhlachtaí náisiúnta creidiúnaithe faireachán a dhéanamh ar chomhlíontacht leis na ceanglais maidir le cuairteanna fíorúla ar an láithreán. Ar mhaithe le soiléireacht agus trédhearcacht, ba cheart an fhaisnéis sin a áireamh sa tuarascáil fíorúcháin.
- (11) Maidir le cur chuige an fhíoraitheora i dtaca le feabhsuithe a shainaithint a bhaineann le feidhmíocht an oibreora i ndáil le faireachán agus tuairisciú ar shonraí leithdháilte, tá sé tábhachtach, ar mhaithe le soiléireacht, an cur chuige sin a ailíniú leis an gcur chuige maidir le deiseanna a shainaithint chun faireachán agus tuairisciú ar astaíochtaí a fheabhsú. Ba cheart feabhsuithe a áireamh sna moltaí a bhaineann le sonraí leithdháilte chun an leibhéal cruinnis is airde a bhaint amach i ndáil le foinsí sonraí a liostaítear in Iarscríbhinn VII a ghabhann le Rialachán Tarmligthe (AE) 2019/331.
- (12) Léiríonn an taithí a fuarthas maidir le cur i bhfeidhm na gcoinníollacha i dtaca le cuairteanna ar an láithreán a tharscaoileadh faoi Airteagal 32(1) de Rialachán Cur Chun Feidhme (AE) 2018/2067 go mbíonn rioscaí comhchosúla ag baint le suiteálacha i gcatagóirí A agus B a úsáideann gás nádúrtha nó flosc bunaidh *de minimis* amháin nó níos mó, ina ndéantar faireachán ar ghás nádúrtha trí mhéadrú fíoscach agus go n-úsáidtear luachanna réamhshocraithe le haghaidh fachtóirí ríofa i gcomhair an gháis nádúrtha, i gcomparáid le cásanna ina gcinneann an t-íompróir gáis fachtóirí ríofa gan aon ionchur ná próiseáil ón oibreoir. Is iomchuí, dá bhrí sin, tarscaoileadh cuairteanna ar an láithreán a cheadú freisin i gcásanna ina gcinneann an t-íompróir gáis an fachtóir ríofa trí úsáid a bhaint as anailíseoir ar líne atá faoi réir córas dlí iomchuí chun anailíseoirí fíoscacha a rialú gan aon ionchur ón oibreoir.

⁽⁶⁾ Treoir (AE) 2018/2001 ó Pharlaimint na hEorpa agus ón gComhairle an 11 Nollaig 2018 maidir le húsáid fuinnimh ó fhoinsí in-athnuaite a chur chun cinn (athmhúnlú), (IO L 328, 21.12.2018, lch. 82, ELI: <http://data.europa.eu/eli/dir/2018/2001/oj>).

- (13) Tar éis leasú ar Threoir 2003/87/CE le Treoir (AE) 2023/958 ó Pharlaimint na hEorpa agus ón gComhairle ⁽⁷⁾, tugadh rialacha nua isteach le haghaidh leithdháileadh lamháltas saor in aisce ar oibreoirí aerárthaigh. Ní bheidh an leithdháileadh bunaithe a thuilleadh ar shonraí tona-ciliméadair arna dtuairisciú. Dá bhrí sin, tá na forálacha uile a bhaineann le fíorú sonraí tona-ciliméadair imithe i léig agus ba cheart iad a scriosadh dá réir sin agus an t-ualach riaracháin a laghdú.
- (14) I ndiaidh leasuithe ar Threoir (AE) 2023/958, leagtar síos le Rialachán Cur Chun Feidhme 2018/2066 ón gCoimisiún ⁽⁸⁾ rialacha faireacháin agus tuairiscithe maidir le breoslaí eitlíochta inbhuanaithe agus a n-astaíochtaí a shannadh d'eitiltí agus, i gcás nach féidir an breosla eitlíochta inbhuanaithe a shannadh d'eitilt ar leith go fisiceach, maidir le sannadh comhréireach na mbreoslaí sin agus a n-astaíochtaí d'eitiltí a imíonn ó aerfoirt. Ar mhaithe le deimhneacht dhlíthiúil agus sláine comhshaoil, is iomchuí sraith rialacha comhchuibhithe a shonrú le haghaidh fíoraitheoirí chun a sheiceáil gur sannadh na breoslaí eitlíochta inbhuanaithe agus a n-astaíochtaí i gceart agus gur comhlíonadh na ceanglais ábhartha i Rialachán Cur Chun Feidhme (AE) 2018/2066.
- (15) Déantar sonraí in earnáil na heitlíochta a phróiseáil agus a thaifeadadh den chuid is mó i gcórais uathoibrithe, rud a fhágann gur féidir sonraí a rochtain go cianda. Tugann sé sin údar le cuairteanna fíorúla ar an láithreán a chur i bhfeidhm lasmuigh de chúinsí *force majeure* in earnáil na heitlíochta. Chun stóinseacht an fhíorúcháin a áirithiú, níor cheart cuairteanna fíorúla ar an láithreán a cheadú ach amháin faoi choinníollacha dochta. Ba cheart do chomhlachtaí náisiúnta creidiúnaithe faireachán a dhéanamh ar chur i bhfeidhm na gcoinníollacha sin agus ar fheidhmíocht na bhfíoraitheoirí le linn na gcuariteanna sin ar an láithreán mar chuid den fhaireachas bliantúil ar fhíoraitheoirí.
- (16) Le Treoir (AE) 2023/959 tugadh isteach córas trádála astaíochtaí atá leithleach ach comhthreomhar, córas is infheidhme maidir le breoslaí arna scaoileadh lena dtomhailt in earnáil na bhfoirgneamh agus in earnáil an iompair de bhóthar mar aon le hearnálacha breise a chomhfhreagraíonn do ghníomhaíochtaí tionsclaíocha nach gcumhdaítear le hIarscríbhinn I a ghabhann le Treoir 2003/87/CE ('earnáil na bhfoirgneamh, an iompair de bhóthar agus earnálacha breise'). Áiríodh forálacha nua a bhaineann le faireachán agus tuairisciú a dhéanamh ar astaíochtaí sna hearnálacha sin i Rialachán Cur Chun Feidhme (AE) 2018/2066. Mar thoradh ar na hathruithe sin, ba cheart rialacha comhchuibhithe a chur isteach maidir le hastaíochtaí sna hearnálacha sin a fhíorú agus maidir le creidiúnú fíoraitheoirí a dhéanann an fíorú sin. Ba cheart na rialacha agus na forálacha atá ann faoi láthair maidir le fíorú astaíochtaí a oiriúnú dá réir.
- (17) Maidir le fíorú astaíochtaí gás ceaptha teasa agus creidiúnú fíoraitheoirí i gcomhréir le hAirteagal 15 agus Airteagal 30f de Threoir 2003/87/CE agus Iarscríbhinn V a ghabhann leis an Treoir sin, na sainmhínithe in Airteagal 3, an oibleagáid in Airteagal 4 agus cur i bhfeidhm na gceanglas i gCaibidil II agus III de Rialachán Cur Chun Feidhme (AE) 2018/2066, ba cheart sin a leathnú chun fíorú tuarascálacha eintitis rialáilte a chumhdach mura n-éilítear rialacha eile nó rialacha níos saincheaptha le saintréithe sonracha an chórais trádála astaíochtaí is infheidhme maidir le breoslaí arna scaoileadh lena dtomhailt in earnáil na bhfoirgneamh, earnáil an iompair de bhóthar agus in earnálacha breise. Ar an gcaoi chéanna, na ceanglais maidir le creidiúnú fíoraitheoirí i gCaibidil V de Rialachán Cur Chun Feidhme (AE) 2018/2066 agus na ceanglais maidir le comhar agus malartú faisnéise idir comhlachtaí náisiúnta creidiúnaithe agus údarais inniúla i gCaibidil VI den Rialachán sin, ba cheart feidhm a bheith acu maidir leis an gcóras trádála astaíochtaí ar leithligh sin.

⁽⁷⁾ Treoir (AE) 2023/958 ó Pharlaimint na hEorpa agus ón gComhairle an 10 Bealtaine 2023 lena leasaítear Treoir 2003/87/CE a mhéid a bhaineann le rannchuidiú na heitlíochta le sprioc an Aontais astaíochtaí a laghdú ar fud an gheilleagair agus le cur chun feidhme iomchuí birt dhomhanda mhargadhbhunaithe (IO L 130, 16.5.2023, lch. 115, ELI: <http://data.europa.eu/eli/dir/2023/958/oj>).

⁽⁸⁾ Rialachán Cur Chun Feidhme (AE) 2018/2066 ón gCoimisiún an 19 Nollaig 2018 maidir le faireachán agus tuairisciú a dhéanamh ar astaíochtaí gás ceaptha teasa de bhun Threoir 2003/87/CE ó Pharlaimint na hEorpa agus ón gComhairle agus lena leasaítear Rialachán (AE) Uimh. 601/2012 ón gCoimisiún (IO L 334, 31.12.2018, lch. 1, ELI: http://data.europa.eu/eli/reg_impl/2018/2066/oj).

- (18) Tá sé tábhachtach ról agus freagrachtaí an fhíoraitheora agus an údaráis inniúil a shonrú maidir le tuarascálacha eintiteas rialáilte a fíorú. I gcomhréir le prionsabail larscríbhinn V a ghabhann le Treoir 2003/87/CE, ba cheart don fhíoraitheoir measúnú a dhéanamh ar iomláine agus ar chomhlíontacht na faisnéise i dtuarascálacha ó eintitis rialáilte leis na ceanglais a liostaítear in larscríbhinní X agus Xb a ghabhann le Rialachán Cur Chun Feidhme (AE) 2018/2066, deiseanna chun feabhas a chur ar an bpróiseas faireacháin agus tuairiscithe agus cruinneas na sonraí astaíochtaí. Ar an gcaoi chéanna le fíorú tuarascála oibreora, ba cheart don fhíoraitheoir an plean faireacháin arna fhormheas ag an údarás inniúil a ghlacadh mar thúsphointe agus measúnú a dhéanamh ar chomhréireacht an eintitis rialáilte leis an bplean sin. Más rud é gur plean é sin nár formheasadh, atá neamhiomlán, nó a athraíodh go suntasach gan na hathruithe sin a bheith formheasta, tá sé tábhachtach go bhfaighidh an t-eintiteas rialáilte formheas ón údarás inniúil. Más rud é nach gcomhlíonann an plean faireacháin na ceanglais a leagtar síos i Rialachán Cur Chun Feidhme (AE) 2018/2066, neamhchomhlíontacht a shainaithin an fíoraitheoir agus nár cheartaigh an t-eintiteas rialáilte sular eisíodh an tuarascáil fíorúcháin, ba cheart é sin a thuairisciú sa tuarascáil fíorúcháin.
- (19) I gcomhréir le hIarscríbhinn V, cuid C, pointí 1 go 5 agus pointe 7 a ghabhann le Treoir 2003/87/CE, tabharfaidh an fíoraitheoir cuairt ar an láithreán chun teorainneacha faireacháin an eintitis rialáilte a sheiceáil, chun measúnú a dhéanamh ar oibriú feistí, córas agus próiseas tomhais a úsáideann na heintitis rialáilte chun na méideanna breosla arna scaoileadh lena dtomhailt a chinneadh, chun agallaimh a dhéanamh agus chun gníomhaíochtaí eile a dhéanamh. Ionas nach gá d'fhíoraitheoirí cuairt a thabhairt ar shuíomhanna ollumar nó saoraidí stórála, i gcás ina ndéanann tríú páirtithe na méideanna breosla arna scaoileadh lena dtomhailt a chinneadh, a phróiseáil agus a rialú nó i gcás nach n-úsáidtear na sonraí tomhaiste chun sonraí astaíochtaí eintitis rialáilte a chinneadh agus a phróiseáil, ba cheart sainmhíniú sonracha ar an láithreán a bheith ann. Is le hanailís riosca an fhíoraitheora a dhéantar a chinneadh cé na suíomhanna ag láithreán an eintitis rialáilte ar cheart cuairt a thabhairt orthu. Níor cheart cuairt an fhíoraitheora ar an láithreán a tharscaoileadh ach amháin faoi choinníollacha sonracha.
- (20) Tá an malartú faisnéise ábhartha idir an t-eintiteas rialáilte agus an fíoraitheoir fíor-riachtanach i ngach gné den phróiseas fíorúcháin, go háirithe sa chéim réamhchonarthach, i bhfeidhmiú anailíse straitéisí ag an bhfíoraitheoir agus i rith an fhíorúcháin. Is gá ceanglais chomhchuíbhithe a bhunú lenar cheart soláthar faisnéise idir an t-eintiteas rialáilte agus an fíoraitheoir a rialú i gcónaí.
- (21) Ionas go seachnaítear áireamh dubailte astaíochtaí a chumhdaítear leis an gcóras trádála astaíochtaí le haghaidh earnáil na bhfoirgneamh, earnáil an iompair de bhóthar agus earnálacha breise agus an córas trádála astaíochtaí le haghaidh suiteálacha do-aistrithe, iompar eitlíochta agus muiríompair i gcomhréir le hAirteagal 30f(5) de Threoir 2003/87/CE, ceanglaítear ar eintitis rialáilte, i gcomhréir le Rialachán Cur Chun Feidhme (AE) 2018/2066, a bpróiseas faireacháin agus tuairiscithe a úsáid trí na méideanna de bhreosla a úsáidtear in aon bhliain tuairiscithe amháin le haghaidh gníomhaíochtaí a chumhdaítear le hIarscríbhinn I a ghabhann le Treoir 2003/87/CE a bhaint as méid iomlán na mbreoslaí arna scaoileadh lena dtomhailt. Is fíor-riachtanach í an fhaisnéis ó oibreoirí, oibreoirí aerárthaigh agus cuideachtaí loingseoireachta maidir le breoslaí arna soláthar agus an slabhra soláthair, i gcomhréir le hIarscríbhinn Xa a ghabhann le Rialachán Cur Chun Feidhme (AE) 2018/2066, chun a chinneadh cén méid breosla ba cheart a bhaint de mhéid iomlán an bhreosla arna scaoileadh. Maidir leis an eintiteas rialáilte agus na fíoraitheoirí a dhéanann fíorú ar tuarascáil an eintitis rialáilte, chun muinín leormhaith a thabhairt dóibh i gcruinneas na faisnéise a liostaítear in larscríbhinn Xa a ghabhann le Rialachán Cur Chun Feidhme (AE) 2018/2066, is iomchuí d'fhíoraitheoirí tuarascálacha ó oibreoir nó ó oibreoir aerárthaigh measúnú a dhéanamh ar an bhfaisnéis sin mar chuid d'fhíorú na dtuarascálacha sin agus a dheimhniú nach mó méid an bhreosla ó sholáthróir a úsáideadh ná an méid a fuair an t-oibreoir nó an t-oibreoir aerárthaigh ón soláthróir sin, agus, an tráth céanna, na méideanna a stóráiltear i stoc de réir na modheolaíochta sa phlean faireacháin formheasta á gcur san áireamh.
- (22) Chun trédhearcacht iomlán a sholáthar maidir le cruinneas na faisnéise a liostaítear in larscríbhinn Xa a ghabhann le Rialachán Cur Chun Feidhme (AE) 2018/2066, tá sé fíor-riachtanach go ndéanfaidh an fíoraitheoir tuarascálacha ó oibreoir nó ó oibreoir aerárthaigh tuairisciú ar thorthaí an mheasúnaithe ar an bhfaisnéis a liostaítear in larscríbhinn Xa a ghabhann le Rialachán Cur Chun Feidhme (AE) 2018/2066 agus go dtabharfaidh sé tuairisc ar aon bharúil sa tuarascáil fíorúcháin, lena n-áirítear aon mhíríteas, neamhchomhréireacht, neamhchomhlíontacht le Rialachán Cur Chun Feidhme (AE) 2018/2066 nó aon mholadh chun feabhais a sainaithníodh agus nár ceartaíodh. Ba cheart don oibreoir nó don oibreoir aerárthaigh an fhaisnéis sin a chur ar fáil don eintiteas rialáilte ábhartha mar aon leis an bhfaisnéis a liostaítear in larscríbhinn Xa i gcomhréir le hAirteagal 75v(2) de Rialachán Cur Chun Feidhme (AE) 2018/2066.

- (23) Leis an bhfaisnéis sin, is féidir leis an bhfíoraitheoir a dhéanann fíorú ar thuarascálacha ón eintiteas rialáilte seiceálacha comhsheasmhachta a dhéanamh idir an fhaisnéis a liostaítear in Iarscríbhinn Xa a ghabhann le Rialachán Cur Chun Feidhme (AE) 2018/2066 agus an fhaisnéis maidir le breosláí arna dtomhailt a liostaítear in Iarscríbhinn Xb a ghabhann leis an Rialachán sin, agus is féidir leis a chinneadh ina dhiaidh sin an cruinn iad na méideanna de bhreosla a baineadh i gcomhréir le hAirteagal 75v(4) den Rialachán sin, agus an bhfuil iomlán na n-astaíochtaí gás ceaptha teasa arna dtuairisciú ag an eintiteas rialáilte saor ó mhíríteas ábhartha. Tá gá le rialacha comhchuibhithe maidir leis na seiceálacha atá le déanamh mar chuid den fhíorú sonraí agus den mheasúnú ar an modheolaíocht faireacháin agus ar an bhfachtóir raoin feidhme.
- (24) Chun an fíorú ar thuarascáil an eintitis rialáilte a phleanáil agus chun tacú le measúnú an fhíoraitheora i dtaobh an bhfuil tionchar ábhartha ag míráiteas, neamh-chomhréireacht nó neamhchomhlíontacht ar na sonraí astaíochtaí, ba cheart tairseach ábharthachta iomchuí a shainiú chun tuarascáil an eintitis rialáilte a fhíorú. Chun an t-ualach riaracháin a laghdú, agus san am céanna, sláine comhshaoil an chórais agus stóinseacht an fhíorúcháin á n-áirithiú, níl feidhm ag tairseach ábharthachta níos déine ach amháin maidir le heintitis rialáilte a bhfuil na leibhéil is airde astaíochtaí acu, is é sin astaíochtaí bliantúla os cionn 500 cileagram CO₂.
- (25) Mar is amhlaidh i gcás fíorú tuarascálacha ón oibreoir, is é freagracht an fhíoraitheora a mheasúnú an sáraíonn an míráiteas, an neamh-chomhréireacht nó an neamhchomhlíontacht le Rialachán Cur Chun Feidhme 2018/2066 an tairseach ábharthachta is infheidhme, ina n-aonair nó nuair a dhéantar iad a chomhiomlánú, agus ar cheart, dá bhrí sin, a mheas gur ábhartha iad. Fiú mura sáraítear an tairseach ábharthachta, ba cheart don fhíoraitheoir a chinneadh an bhfuil tionchar ábhartha ag an tsaincheist ábhartha i bhfianaise chineál, mhéid agus imthosca sonracha na saincheiste áirithe sin.
- (26) Chun feidhmiú cuí an phróisis faireacháin agus tuairiscithe a áirithiú, ba cheart moltaí a sholáthar maidir le feabhas leanúnach a chur ar fhaireachán agus ar thuairisciú an eintitis rialáilte mar chuid de na gníomhaíochtaí fíorúcháin a dhéanann an fíoraitheoir.
- (27) Tá sé tábhachtach go mbeidh fíoraitheoirí inniúil ar thuarascálacha ón eintiteas rialáilte a fhíorú. Ionas gur féidir leis an bhfíoraitheoir measúnú a dhéanamh ar na teorainneacha sonracha faireacháin agus tuairiscithe agus ar ghnéithe den eintiteas rialáilte a bhaineann leis an gcóras trádála astaíochtaí le haghaidh earnáil na bhfoirgneamh, earnáil an iompair de bhóthar agus earnálacha breise, ba cheart critéir inniúlachta shonracha a shainiú le haghaidh fíoraitheoirí a dhéanann tuarascálacha ó eintitis rialáilte a fhíorú. Chun na críche sin, ba cheart raon feidhme creidiúnaithe ar leithligh a chruthú ionas gur féidir leis na comhlachtaí creidiúnaithe meastóireacht a dhéanamh ar inniúlacht agus ar fheidhmíocht an fhíoraitheora de réir na gcritéir sonracha sin agus na fíoraitheoirí a chreidiúnú de réir an raoin feidhme ar leith sin.
- (28) Chun an riosca a laghdú go gcuirfí neamhchlaontacht an fhíoraitheora i mbaol, ba cheart uainíocht a dhéanamh ar an bpríomhiniúchóir tar éis dó tuarascáil ó eintiteas rialáilte amháin a fhíorú ar feadh 5 bliana as a chéile. Leis an gceanglas sin, níor cheart bac ar an bhfíoraitheoir bearta breise a dhéanamh chun rioscaí neamhchlaontachta a laghdú.
- (29) Tá an faireachán agus an tuairisciú le haghaidh an chórais trádála astaíochtaí nua le haghaidh earnáil na bhfoirgneamh, earnáil an iompair de bhóthar agus earnálacha breise le tosú an 1 Eanáir 2025. I gcomhréir le hAirteagal 30f de Threoir 2003/87/CE, tá an chéad tuarascáil fíoraithe ón eintiteas rialáilte le cur faoi bhráid an údaráis inniúil faoin 30 Aibreán 2026, i ndáil leis an mbliain tuairiscithe 2025. Dá bhrí sin, is iomchuí go dtiocfaidh na forálacha ábhartha a bhaineann le tuarascálacha ón eintiteas rialáilte a fhíorú le haghaidh an chórais trádála astaíochtaí nua chun bheith infheidhme maidir le fíorú astaíochtaí gás ceaptha teasa eintitis rialáilte a tharlóidh ón 1 Eanáir 2025 ar aghaidh. Ar an gcaoi chéanna, ba cheart feidhm a bheith ag na forálacha ábhartha a bhaineann le fíorú na faisnéise a liostaítear in Iarscríbhinn Xa a ghabhann le Rialachán Cur Chun Feidhme (AE) 2018/2066 freisin ón mbliain tuairiscithe 2025 ar aghaidh.
- (30) Na leasuithe a bhaineann le fíorú sonraí bonnlíne agus seiceálacha an fhíoraitheora ar chur chun feidhme moltaí maidir le héifeachtúlacht fuinnimh agus cur i bhfeidhm na n-eisceachtaí ó choinníollacht, ba cheart iad a theacht i bhfeidhm mar ábhar práinne ós rud é gur gá na tuarascálacha ar shonraí bonnlíne fíoraithe mar chuid de chur i bhfeidhm an leithdháilte saor in aisce a chur isteach faoin 30 Bealtaine 2024 mar a cheanglaítear le hAirteagal 4(1) de Rialachán Tarmlichte (AE) 2019/331, dá bhrí sin, ba cheart an Rialachán seo a theacht i bhfeidhm an lá tar éis lá a fhoilsithe.
- (31) Tá na bearta dá bhforáiltear sa Rialachán seo i gcomhréir leis an tuairim ón gCoiste um Athrú Aeráide.

TAR ÉIS AN RIALACHÁN SEO A GHLACADH:

Airteagal 1

Leasaítear Rialachán Cur Chun Feidhme (AE) 2018/2067 mar a leanas:

- (1) in Airteagal 1, cuirtear an méid seo a leanas in ionad an dara fomhír:

‘Leagtar síos leis an Rialachán seo freisin, gan dochar do Rialachán (CE) Uimh. 765/2008, forálacha maidir le haitheantas frithpháirteach fíoraitheoirí agus athbhreithniú píaraí ar chomhlachtaí náisiúnta creidiúnaithe de bhun Airteagail 15 agus 30f de Threoir 2003/87/CE.’;

- (2) cuirtear an méid seo a leanas in ionad Airteagal 2:

‘Airteagal 2

Raon feidhme

Beidh feidhm ag an Rialachán seo maidir leis an méid seo a leanas:

- (a) fíorú astaíochtaí gás ceaptha teasa a tharlaíonn ón 1 Eanáir 2019 ar aghaidh, a thuairiscítear de bhun Airteagal 14 de Threoir 2003/87/CE, agus fíorú na sonraí atá ábhartha maidir le tagarmharcanna *ex ante* a thabhairt cothrom le dáta agus le leithdháileadh saor in aisce ar shuiteálacha a chinneadh de bhun Airteagal 10a den Treoir sin;
- (b) fíorú ar astaíochtaí gás ceaptha teasa a tharlaíonn ón 1 Eanáir 2025 ar aghaidh, arna dtuairisciú ag an eintiteas rialáilte de bhun Airteagal 30f de Threoir 2003/87/CE.’;
- (3) leasaítear Airteagal 3 mar a leanas:
- (a) cuirtear an méid seo a leanas in ionad phointe (2):
- (2) ciallaíonn ‘creidiúnú’ fianú ó chomhlacht náisiúnta creidiúnaithe go gcomhlíonann fíoraitheoir na ceanglais a leagtar síos le caighdeáin chomhchuibhithe, de réir bhrí Airteagal 2, pointe 9, de Rialachán (CE) Uimh. 765/2008, agus ceanglais a leagtar amach sa Rialachán seo chun fíorú a dhéanamh ar thuarascáil ó oibreoir nó ó oibreoir aerárthaigh nó tuarascáil ó eintiteas rialáilte de bhun an Rialacháin seo’;
- (b) cuirtear an méid seo a leanas in ionad phointí (5) agus (6):
- ‘(5) ciallaíonn ‘míráiteas’ easnamh, mífhaisnéis nó earráid i sonraí tuairiscithe an oibreora, an oibreora aerárthaigh nó an eintitis rialáilte, gan an éiginnteacht a cheadaítear faoi Airteagal 12(1), pointe (a), de Rialachán Cur Chun Feidhme (AE) 2018/2066 a chur san áireamh;
- (6) ciallaíonn ‘míráiteas ábhartha’ míráiteas, i dtuairim an fhíoraitheora, ina aonar nó nuair a chomhiomlánaítear é le míráitis eile, a sháraíonn an tairseach ábharthachta nó a d’fhéadfadh difear a dhéanamh do láimhseáil tuarascála ón oibreoir nó ón oibreoir aerárthaigh nó tuarascála ón eintiteas rialáilte ag an údarás inniúil’;
- (c) cuirtear isteach an pointe (6b) seo a leanas:
- ‘(6b) ciallaíonn ‘tuarascáil an eintitis rialáilte’ an tuarascáil astaíochtaí bhliantúil a chuir an t-eintiteas rialáilte isteach de bhun Airteagal 75p de Rialachán Cur Chun Feidhme (AE) 2018/2066’;
- (d) cuirtear an méid seo a leanas in ionad phointe (7):
- ‘(7) ciallaíonn ‘tuarascáil an oibreora nó an oibreora aerárthaigh’ an tuarascáil astaíochtaí bhliantúil atá le cur isteach ag an oibreoir nó ag an oibreoir aerárthaigh de bhun Airteagal 14(3) de Threoir 2003/87/CE, an tuarascáil ar shonraí bonnlíne a chuir an t-oibreoir isteach de bhun Airteagal 4(2) de Rialachán Tarmligthe (AE) 2019/331 ón gCoimisiún (*), an tuarascáil sonraí maidir le hiontrálaí nua arna cur isteach ag an oibreoir de bhun Airteagal 5(2) den Rialachán sin nó an tuarascáil bhliantúil ar an leibhéal gníomhaíochta’;

(*) Rialachán Tarmligthe (AE) 2019/331 ón gCoimisiún an 19 Nollaig 2018 lena gcinntear rialacha idirthréimhseacha uile-Aontais le haghaidh leithdháileadh lamháltas astaíochtaí saor in aisce comhchuibhithe de bhun Airteagal 10a de Threoir 2003/87/CE ó Pharlaimint na hEorpa agus ón gComhairle (IO L 59, 27.2.2019, lch. 8, ELI:http://data.europa.eu/eli/reg_del/2019/331/oj);

(e) cuirtear an méid seo a leanas in ionad phointí (11) agus (12):

- (11) ciallaíonn ‘córas rialaithe’ measúnú riosca an oibreora, an oibreora aerárthaigh nó an eintitis rialáilte agus tacar iomlán gníomhaíochtaí rialaithe, lena n-áirítear bainistiú leanúnach na ngníomhaíochtaí sin, a bhunaigh oibreoir, oibreoir aerárthaigh nó eintiteas rialáilte, a rinne sé a dhoiciméadú, a chur chun feidhme agus a choinneáil ar bun de bhun Airteagal 59 nó Airteagal 75o de Rialachán Cur Chun Feidhme (AE) 2018/2066, nó de bhun Airteagal 11 de Rialachán Tarmlichte (AE) 2019/331, de réir mar is iomchuí;
- (12) ciallaíonn ‘gníomhaíochtaí rialaithe’ aon ghníomh a dhéanann an t-oibreoir, an t-oibreoir aerárthaigh nó an t-eintiteas rialáilte, nó aon bheart a dhéanann sé, chun rioscaí bunúsacha a mhaolú;’;

(f) i bpointe (13), cuirtear an méid seo a leanas in ionad phointí (a) agus (b):

- (a) ‘chun tuarascáil astaíochtaí oibreora nó eintitis rialáilte a fhíorú, aon ghníomh nó neamhghníomh a dhéanann an t-oibreoir nó an t-eintiteas rialáilte a sháraíonn an cead astaíochtaí gás ceaptha teasa agus na ceanglais sa phlean faireacháin arna fhormheas ag an údarás inniúil;
- (b) ‘chun tuarascáil astaíochtaí oibreora aerárthaigh a fhíorú, aon ghníomh nó neamhghníomh a dhéanann an t-oibreoir aerárthaigh atá contrártha leis na ceanglais sa phlean faireacháin a d’fhormheas an t-údarás inniúil;’;

(g) cuirtear an méid seo a leanas in ionad phointe (14):

- (14) ciallaíonn ‘láithreán’:
- (a) chun tuarascáil astaíochtaí oibreora aerárthaigh a fhíorú: na suíomhanna ina sainítear agus ina mbainistítear an próiseas faireacháin, lena n-áirítear na suíomhanna ina ndéantar na sonraí agus an fhaisnéis ábhartha a rialú agus a stóráil;
- (b) chun tuarascáil an eintitis rialáilte a fhíorú: na suíomhanna ina sainítear agus ina mbainistítear an próiseas faireacháin, lena n-áirítear na suíomhanna ina gcinneann, rialaíonn agus stóráilann an t-eintiteas rialáilte sonraí agus faisnéis faoi mhéideanna breosla arna scaoileadh ag an eintiteas rialáilte lena dtomhailt sna gníomhaíochtaí a liostaítear in Iarscríbhinn III a ghabhann le Treoir 2003/87/CE;’;

(h) cuirtear an méid seo a leanas in ionad phointí (15) go (19):

- (15) ciallaíonn ‘timpeallacht rialaithe’ an timpeallacht ina bhfeidhmíonn an córas rialaithe inmheánaigh agus gníomhaíochtaí foriomlána bhainistíocht an oibreora, oibreora aerárthaigh nó eintitis rialáilte chun feacht ar an gcóras rialaithe inmheánaigh sin a áirithiú;
- (16) ciallaíonn ‘riosca fréimhíochta’ soghabháiltacht paraiméadair i dtuarascáil an oibreora, an oibreoir aerárthaigh nó i dtuarascáil an eintitis rialáilte i leith míráiteas a d’fhéadfadh a bheith ina míráitis ábhartha, ina n-aonar nó nuair a chomhiomlánaítear iad le míráitis eile, sula gcuirtear an éifeacht ag aon ghníomhaíocht rialaithe ghaolmhar san áireamh;
- (17) ciallaíonn ‘riosca rialaithe’ soghabháiltacht paraiméadair i dtuarascáil an oibreora, an oibreoir aerárthaigh nó i dtuarascáil an eintitis rialáilte i leith míráitis a d’fhéadfadh a bheith ina míráitis ábhartha, ina n-aonar nó nuair a chomhiomlánaítear iad le míráitis eile, agus nach mbeidh á gcosc ná á mbrath agus á gceartú go tráthúil ag an gcóras rialaithe;
- (18) ciallaíonn ‘riosca fíorúcháin’ an riosca, ar riosca fréimhíochta, rialaithe agus braite é, go léiríonn an fíoritheoir tuairim mhíchúí uaidh maidir leis an bhfíorú nuair nach bhfuil tuarascáil an oibreora nó an oibreora aerárthaigh nó tuarascáil an eintitis rialáilte saor ó mhíráitis ábhartha;
- (19) ciallaíonn ‘dearbhu réasúnach’ ardleibhéal dearbhaithe nach dearbhleibhéal dearbhaithe é, arna léiriú go deimhneach sa tuairim maidir leis an bhfíorú, i dtaobh an bhfuil tuarascáil an oibreora nó an oibreora aerárthaigh nó tuarascáil an eintitis rialáilte atá faoi réir fíorúcháin saor ó mhíráitis ábhartha;’

(i) cuirtear an méid seo a leanas in ionad phointí (21), (22) agus (23):

- '(21) ciallaíonn 'doiciméadacht fíorúcháin inmheánach' an doiciméadacht inmheánach uile a thiomsaigh fíoraitheoir chun fianaise dhoiciméadach agus údar na gníomhaíochtaí arna gcur i gcrích a thaifeadadh le haghaidh an fhíorúcháin ar thuarascáil ó oibreoir nó ó oibreoir aerárthaigh nó ar thuarascáil ó eintiteas rialáilte;
- (22) ciallaíonn 'príomhiniúcháir CTA AE' iniúcháir CTA AE maidir le trádáil astaíochtaí atá i gceannas ar stiúradh agus ar mhaoirsiú na foirne fíorúcháin, iniúcháir atá freagrach as fíorú agus tuairisciú a dhéanamh ar thuarascáil ó oibreoir nó ó oibreoir aerárthaigh nó ar thuarascáil ó eintiteas rialáilte;
- (23) ciallaíonn 'iniúcháir CTE AE' ball aonair d'fhoireann fíorúcháin atá freagrach as fíorú a dhéanamh ar thuarascáil ó oibreoir nó ó oibreoir aerárthaigh nó ar thuarascáil ó eintiteas rialáilte, nach iniúcháir ceannais scéim AE maidir le trádáil astaíochtaí é;'

(4) cuirtear an méid seo a leanas in ionad Airteagal 4:

'Airteagal 4

Toimhde na comhréireachta

Más rud é go léiríonn fíoraitheoir a chomhréireacht leis na critéir a leagtar síos sna caighdeáin chomhchuibhithe ábhartha a shainítear in Airteagal 2, pointe 9 de Rialachán (CE) Uimh. 765/2008, nó codanna de, ar foilsíodh na tagairtí díobh in *Iris Oifigiúil an Aontais Eorpaigh*, measfar go bhfuil na ceanglais a leagtar amach i gCaibidlí II, III agus IIIa den Rialachán seo á gcomhlíonadh aige, cé is moite d'Airteagail 7(1) agus (4), Airteagal 22, Airteagal 27(1), Airteagail 28, 31, 32, Airteagal 43b (1) agus (4), Airteagal 43v agus Airteagal 43w den Rialachán seo, a mhéid a chumhdaítear na ceanglais sin leis na caighdeáin chomhchuibhithe is infheidhme;'

(5) Cuirtear an méid seo a leanas in ionad theideal Chaibidlí II:

'CAIBIDLÍ II

TUARASCÁLACHA OIBREOIRÍ NÓ OIBREOIRÍ AERÁRTHAÍGH A FHÍORÚ;

(6) in Airteagal 6, cuirtear an méid seo a leanas in ionad na chéad mhíre:

'Beidh úsáideoirí ábalta brath ar thuarascáil astaíochtaí fíoraithe, tuarascáil ar shonraí bonnlíne, tuarascáil sonraí maidir le hiontrálaí nua nó tuarascáil bhliantúil ar an leibhéal gníomhaíochta. Léireoidh sí go dílis an méid a mhaítear go léiríonn sí nó an méid a bhféadfaí coinne a bheith leis go réasúnach go léireodh sí;'

(7) in Airteagal 7, leasaítear mír 4 mar a leanas:

(a) leasaítear an chéad fhomhír mar a leanas:

(i) cuirtear an pointe (aa) seo a leanas isteach:

'(aa) go bhfuil an fhaisnéis i dtuarascáil an oibreora nó an oibreoir aerárthaigh a bhaineann le hIarscríbhinn Xa a ghabhann le Rialachán Cur Chun Feidhme (AE) 2018/2066 iomlán agus go gcomhlíonann sí na ceanglais a leagtar síos san Iarscríbhinn sin;'

(ii) cuirtear an méid seo a leanas in ionad phointe (b):

'(b) gur ghníomhaigh an t-oibreoir nó an t-oibreoir aerárthaigh i gcomhréir le ceanglais an cheada astaíochtaí gás ceaptha teasa agus leis an bplean faireacháin a d'fhormheas an t-údarás inniúil, i gcás a bhaineann le fíorú tuarascála astaíochtaí oibreora, agus i gcomhréir le ceanglais an phlean faireacháin a d'fhormheas an t-údarás inniúil, i gcás a bhaineann le fíorú tuarascála astaíochtaí oibreora aerárthaigh;'

(b) cuirtear an méid seo a leanas in ionad an dara agus an tríú fhomhír:

'De mhaolú ar phointe (b), déanfaidh an fíoraitheoir measúnú i dtaobh ar ghníomhaigh an t-oibreoir suiteála loistche dramhaíola cathrach dá dtagraítear in Iarscríbhinn I a ghabhann le Treoir 2003/87/CE i gcomhréir leis an bplean faireacháin i gcás nár cheangail na Ballstáit ar an tsuiteáil sin cead astaíochtaí gás ceaptha teasa a bheith aici dá dtagraítear in Airteagal 4 de Threoir 2003/87/CE.

Chun críoch phointe (d), gheobhaidh an fíoraitheoir fianaise shoiléir oibiachtúil ón oibreoir nó ón oibreoir aerárthaí chun tacú leis na hastaíochtaí comhiomlánaithe tuairiscithe nó leis na sonraí tuairiscithe atá ábhartha don leithdháileadh saor in aisce, agus an fhaisnéis eile ar fad a sholáthraítear i dtuarascáil an oibreora nó an oibreoir aerárthaigh á cur san áireamh;'

- (8) in Airteagal 9(1), cuirtear an méid seo a leanas in ionad phointe (e):
- ‘(e) suíomh na faisnéise agus na sonraí a bhaineann le hastaíochtaí gás ceaptha teasa nó sonraí atá ábhartha maidir le leithdháileadh saor in aisce.’;
- (9) leasaítear Airteagal 10(1) mar a leanas:
- (a) cuirtear an méid seo a leanas in ionad phointe (c):
- ‘(c) an leagan is déanaí de phlean modheolaíochta faireacháin an oibreora chomh maith le haon leagan ábhartha eile den phlean modheolaíochta faireacháin a d’fhormheas an t-údarás inniúil, lena n-áirítear fianaise ar an bhformheas’;
- (b) cuirtear an méid seo a leanas in ionad phointí (g) agus (h):
- ‘(g) na nósanna imeachta a luaitear sa phlean faireacháin a d’fhormheas an t-údarás inniúil nó an phlean modheolaíochta faireacháin a d’fhormheas an t-údarás inniúil, lena n-áirítear nósanna imeachta um ghníomhaíochtaí sreafa sonraí agus ghníomhaíochtaí rialaithe;
- (h) tuarascáil bhliantúil astaíochtaí an oibreora nó an oibreora aerárthaigh, tuarascáil ar shonraí bonnlíne, tuarascáil sonraí maidir le hiontrálaí nua nó tuarascáil bhliantúil ar an leibhéal gníomhaíochta, de réir mar is iomchuí’;
- (c) cuirtear na pointí (lb), (lc) agus (ld) seo a leanas isteach:
- ‘(lb) i gcás inarb infheidhme, na tuarascálacha ó iniúchtaí fuinnimh nó ó chórais bainistíochta fuinnimh dheimhnithe dá dtagraítear in Airteagal 22a(1) de Rialachán Tarmligthe (AE) 2019/331 ina bhfuil na moltaí ó na hiniúchtaí nó ó na córais bhainistíochta sin;
- (lc) i gcás inarb infheidhme, fianaise ábhartha lena léirítear cur chun feidhme na moltaí ó iniúchtaí fuinnimh nó ó chórais bainistíochta fuinnimh dheimhnithe dá dtagraítear in Airteagal 22a(1), an chéad fhomhír de Rialachán Tarmligthe (AE) 2019/331 lena n-áirítear an nós imeachta um chur chun feidhme na moltaí sin dá dtagraítear in Airteagal 22a(2) den Rialachán sin;
- (ld) fianaise ábhartha go bhfuil feidhm ag ceann amháin de na coinníollacha in Airteagal 22a(1), an dara fhomhír, de Rialachán Tarmligthe (AE) 2019/331’;
- (10) leasaítear Airteagal 11 mar a leanas:
- (a) i mír 3, cuirtear an méid seo a leanas in ionad phointí (b), (c) agus (d):
- ‘(b) chun tuarascáil astaíochtaí an oibreora aerárthaigh a fhíorú, méid agus cineál an oibreora aerárthaigh, dáileadh na faisnéise i suíomhanna éagsúla chomh maith leis an líon agus an cineál eitilt’;
- (c) an phlean faireacháin nó an phlean modheolaíochta faireacháin a d’fhormheas an t-údarás inniúil chomh maith le sonraíochtaí na modheolaíochta faireacháin a leagtar síos sa phlean faireacháin sin nó sa phlean modheolaíochta faireacháin de réir mar is iomchuí;
- (d) cineál, scála agus castacht na bhfoinsí astaíochtaí agus na bhfloscanna bunaidh chomh maith leis an trealamh agus na próisis as ar tháinig astaíochtaí nó sonraí is ábhartha don leithdháileadh saor in aisce, lena n-áirítear an trealamh tomhais a dtugtar tuairisc air sa phlean faireacháin nó sa phlean modheolaíochta faireacháin de réir mar is iomchuí, tionscnamh agus cur i bhfeidhm na bhfachtóirí ríofa agus foinsí sonraí príomhúla eile’;
- (b) i mír 4, cuirtear an méid seo a leanas in ionad phointe (a):
- ‘(a) an é an phlean faireacháin nó an phlean modheolaíochta faireacháin a cuireadh faoina bhráid an leagan is déanaí agus ar fhormheas an t-údarás inniúil é’;
- (11) in Airteagal 13(1), cuirtear an méid seo a leanas in ionad phointe (c):
- ‘(c) phlean samplála sonraí ina leagtar amach raon feidhme agus modhanna na samplála sonraí a bhaineann le pointí sonraí is bun leis na hastaíochtaí comhiomlánaithe i dtuarascáil astaíochtaí an oibreora nó an oibreora aerárthaigh, nó na sonraí comhiomlánaithe is ábhartha don leithdháileadh saor in aisce i dtuarascáil sonraí bonnlíne, tuarascáil sonraí maidir le hiontrálaí nua nó tuarascáil bhliantúil ar an leibhéal gníomhaíochta ón oibreoir’;
- (12) leasaítear Airteagal 16(2) mar a leanas:
- (a) cuirtear an méid seo a leanas in ionad phointe (d):
- ‘(d) chun tuarascáil astaíochtaí oibreora aerárthaigh a fhíorú, iomláine na n-eitiltí a chumhdaítear le gníomhaíocht eitlíochta a liostaítear in Iarscríbhinn I a ghabhann le Treoir 2003/87/CE as a bhfuil an t-oibreoir aerárthaigh freagrach chomh maith le hiomláine na sonraí astaíochtaí’;

- (b) cuirtear an méid seo a leanas in ionad phointe (e):
- ‘(e) chun tuarascáil astaíochtaí oibreora aerárthaigh a fhíorú, an chomhsheasmhacht idir na sonraí tuairiscithe agus an doiciméadacht mhaise agus chothromaíochta;’
- (c) cuirtear an méid seo a leanas in ionad phointe (fa):
- ‘(fa) chun tuarascáil bhliantúil ar an leibhéal gníomhaíochta a fhíorú, cruinneas na bparaiméadar a liostaítear in Airteagal 16(5), Airteagail 19, 20 nó 21 de Rialachán Tarmligthe (AE) 2019/331 chomh maith leis na sonraí a cheanglaítear faoi Airteagal 6(1), (2) agus (4) de Rialachán Cur Chun Feidhme (AE) 2019/1842;’
- (d) cuirtear an pointe (ha) seo a leanas isteach:
- ‘(ha) chun measúnú a dhéanamh ar an bhfaisnéis i dtuarascáil an oibreora nó an oibreora aerárthaigh de bhun larscríbhinn Xa a ghabhann le Rialachán Cur Chun Feidhme (AE) 2018/2066, an chomhsheasmhacht idir an fhaisnéis sin agus fianaise ón oibreoir nó ón oibreoir aerárthaigh, lena n-áirítear sonraisc bhreosla, nótaí seachadta agus conarthaí le soláthróirí breosla;’

(13) leasaítear Airteagal 17 mar a leanas:

- (a) i mír 3, cuirtear an méid seo a leanas in ionad phointe (f):
- ‘(f) an bhfuil luach na bparaiméadar a liostaítear in Airteagal 16(5), Airteagail 19, 20 nó 21 de Rialachán Tarmligthe (AE) 2019/331 bunaithe ar chur i bhfeidhm ceart an Rialacháin sin;’
- (b) cuirtear an mhír 5 seo a leanas isteach:
- ‘5. Chun tuarascáil astaíochtaí an oibreora a fhíorú, déanfaidh an fíoraitheoir, mar chuid den tseiceáil dá dtagraítear i mír 1, seiceáil ar fhianaise ón oibreoir a léiríonn go gcomhlíontar na critéir inbhuanaitheachta agus na critéir maidir le laghdúithe ar ghás ceaptha teasa a leagtar síos in Airteagal 29(2) go (7) agus (10) de Threoir (AE) 2018/2001.;’
- (c) cuirtear an mhír 6 seo a leanas isteach:
- ‘6. I gcás inar féidir an bithbhreosla nó an breosla eitlíochta incháilithe a shannadh go fisiceach d'eitilt a liostaítear in larscríbhinn I a ghabhann le Treoir 2003/87/CE, seiceálfaidh an fíoraitheoir ar sannadh an méid bithbhreosla nó an méid breosla eitlíochta incháilithe i gceart don eitilt díreach tar éis an breosla a chur ar bord.

Má dhéantar roinnt eitiltí ina dhiaidh sin gan breosla a chur ar bord idir na heitiltí sin ina dhiaidh sin, seiceálfaidh an fíoraitheoir an bhfuil méid an bithbhreosla nó an bhreosla eitlíochta incháilithe sannta go comhréireach do na heitiltí sin de réir an chur chuige a liostaítear sa phlean faireacháin a d'fhormheas an t-údarás inniúil agus de réir an nós imeachta i scríbhinn a chuir an t-oibreoir aerárthaigh chun feidhme chun a áirithiú go sanntar cuí bithbhreosla nó breosla eitlíochta incháilithe.

I gcás nach féidir an bithbhreosla nó an breosla eitlíochta incháilithe a shannadh go fisiceach ag aeradróm d'eitilt shonrach, seiceálfaidh an fíoraitheoir an méid seo a leanas:

- (a) go sanntar an bithbhreosla nó an breosla eitlíochta incháilithe i gceart do phéirí aeradróim i dtuarascáil astaíochtaí an oibreora aerárthaigh;
- (b) nach mó méid iomlán an bithbhreosla nó an bhreosla eitlíochta incháilithe ná iomlán an bhreosla a thuairiscigh an t-oibreoir aerárthaigh sin le haghaidh eitiltí nach mór lamháltais a thabhairt suas lena n-aghaidh i gcomhréir le hAirteagal 12(3) de Threoir 2003/87/CE, de thionscnamh an aeradróim arb ann a sholáthraítear an bithbhreosla nó an breosla eitlíochta incháilithe;
- (c) nach mó méid iomlán an bithbhreosla nó an bhreosla eitlíochta incháilithe nach mór lamháltais a thabhairt suas lena n-aghaidh de réir Airteagal 12(3) de Threoir 2003/87/CE, ná méid iomlán an bithbhreosla nó an bhreosla eitlíochta incháilithe arna ceannach, ar di sin a n-asbhaintear iomlán an bithbhreosla nó an bhreosla eitlíochta incháilithe arna díol le tríú páirtithe;
- (d) nach mó an codán bithmhaise sa bithbhreosla nó sa bhreosla eitlíochta incháilithe a shanntar d'eitiltí arna gcomhiomlánú in aghaidh an péire aeradróm ná an uasteorainn chumaiscche le haghaidh an bithbhreosla nó an bhreosla eitlíochta incháilithe sin mar a dheimhnítear de réir caighdeán idirnáisiúnta aitheanta, má tá feidhm ag teorainn den sórt sin;

- (e) nach mó an codán bithmhaise comhiomlánaithe sa bhithbhreosla nó sa bhreosla eitlíochta incháilithe ná an méid bithmhaise a soláthraítear cruthúnas ina leith maidir le comhlíonadh na gcritéar inbhuanaitheachta agus na gcritéar maidir le laghdúithe ar ghás ceaptha teasa a leagtar síos in Airteagal 29(2) go (7) agus (10) de Threoir (AE) 2018/2001;
- (f) nár cuireadh na méideanna céanna bithbhreosla nó breosla eitlíochta incháilithe san áireamh i dtuarascáil roimhe sin, i gcóras eile nó nár chuir aon duine eile san áireamh iad;
- (d) cuirtear an mhír 7 seo a leanas isteach:

‘7. Chun measúnú a dhéanamh ar an bhfaisnéis i dtuarascáil an oibreora nó an oibreora aerárthaigh de bhun larscríbhinn Xa a ghabhann le Rialachán Cur Chun Feidhme (AE) 2018/2066, déanfaidh an fíoraitheoir an méid seo a leanas a mheasúnú agus a dheimhniú:

 - (a) i gcás nach n-úsáidtear breoslaí in aon bhliain tuairiscithe amháin, ar cuireadh i bhfeidhm i gceart an mhodheolaíocht sa phlean faireacháin formheasta maidir le conas méideanna breosla a leithdháileadh ar na soláthróirí éagsúla;
 - (b) nach mó an méid breosla ó sholáthróir a úsáideann an t-oibreoir nó an t-oibreoir aerárthaigh ná an méid a fuarthas ón soláthróir sin agus na méideanna arna stóráil i stoc á gcur san áireamh, ar méideanna iad arna ríomh i gcomhréir leis an modheolaíocht sa phlean faireacháin formheasta.’;
- (14) cuirtear na hAirteagail 17a agus 17b seo a leanas isteach:

‘Airteagal 17a

Seiceálacha ar mholtaí maidir le héifeachtúlacht fuinnimh

1. De bhun na gceanglas comhlíontachta faoi Airteagal 22a de Rialachán Tarmligthe (AE) 2019/331, seiceálfaidh an fíoraitheoir cur chun feidhme na moltaí ó iniúchtaí fuinnimh nó ó chórais bainistíochta fuinnimh dheimhnithe dá dtagraítear in Airteagal 22a(3) de Rialachán Tarmligthe (AE) 2019/331 agus deimhneoidh sé gur cuireadh i gcrích cur chun feidhme na moltaí sin.
2. Chun cur i gcrích chur chun feidhme na moltaí dá dtagraítear i mír 1 a dheimhniú, seiceálfaidh an fíoraitheoir an méid seo a leanas:
 - (a) gur leanadh an nós imeachta maidir le moltaí dá dtagraítear in Airteagal 22a(2) de Rialachán Tarmligthe 2019/331 a chur chun feidhme, gur doiciméadaíodh go leormhaith é agus gur coinníodh ar bun i gceart é;
 - (b) go ndearna an t-oibreoir bearta coincreíteacha chun na moltaí a chur chun feidhme;
 - (c) go bhfuil fianaise ann gur cuireadh i gcrích an cur chun feidhme, lena n-áirítear i dtaobh ar marcáladh na moltaí sin mar mholtaí a cuireadh i gcrích sa nós imeachta dá dtagraítear i bpointe (a) den mhír seo.

Airteagal 17b

Seiceáil ar chur i bhfeidhm na maoluithe a liostaítear in Airteagal 22a(1), an dara fómhír, de Rialachán Tarmligthe (AE) 2019/331

1. I gcás nach mbeidh cur chun feidhme na moltaí dá dtagraítear in Airteagal 17a den Rialachán seo curtha i gcrích, déanfaidh an fíoraitheoir measúnú ar fhianaise ón oibreoir agus seiceálfaidh sé an méid seo a leanas:
 - (a) nár eisíodh na moltaí maidir le héifeachtúlacht fuinnimh dá dtagraítear in Airteagal 22a(1), an dara fómhír, pointe (f), de Rialachán Tarmligthe (AE) 2019/331 sna chéad 4 bliana den tréimhse bhonnlíne;
 - (b) nach n-eascródh caomhnú fuinnimh as na moltaí laistigh de theorainneacha córais an phróisis thionsclaíoch a dhéantar ag an tsuiteáil;
 - (c) gur faide ná 3 bliana an tréimhse aisghabhála dá dtagraítear in Airteagal 22a(1), an dara fómhír, pointe (a), de Rialachán Tarmligthe (AE) 2019/331;
 - (d) nár tharla go fóill dálaí oibriúcháin sonracha na suiteála, lena n-áirítear tréimhsí cothabhála pleanáilte nó neamhphleanáilte, ar cinneadh an tréimhse aisghabhála ina leith;

- (e) gur mó costais infheistíochta na moltaí ná na tairseacha a liostaítear in Airteagal 22a(1), an dara fomhír, pointe (b) de Rialachán Tarmilgthe (AE) 2019/331;
- (f) gur cuireadh bearta eile chun feidhme le linn na tréimhse bonnlíne ábhartha nó ina diaidh agus gur eascair astu laghduithe ar astaíochtaí gás ceaptha teasa atá coibhéiseach leis na laghduithe a mholtar sa tuarascáil iniúchóireachta fuinnimh nó córas bainistíochta fuinnimh deimhnithe le haghaidh na suiteála.

2. I gcás nach sonraítear an tréimhse aisghabhála dá dtagraítear in Airteagal 22a(1), an dara fomhír, pointe (a), de Rialachán Tarmilgthe (AE) 2019/331 sa tuarascáil iniúchóireachta fuinnimh, sa chóras bainistíochta fuinnimh deimhnithe nó i ndearbhú faoi mhionn ón iniúcháir fuinnimh, seiceálfaidh an fíoraitheoir an méid seo a leanas:

- (a) bailíocht na faisnéise a úsáidtear chun an tréimhse aisghabhála a chinneadh;
- (b) cur i bhfeidhm ceart an mhodha a úsáidtear chun an tréimhse aisghabhála a chinneadh.

3. Chun measúnú a dhéanamh ar chur chun feidhme na mbeart dá dtagraítear i mír 1, pointe (f), seiceálfaidh agus deimhneoidh an fíoraitheoir an méid seo a leanas:

- (a) gur chuir an t-oibreoir na bearta malartacha chun feidhme agus ar tugadh cur chun feidhme na mbeart sin i gcrích;
- (b) gur baineadh amach laghduithe coibhéiseacha ar astaíochtaí gás ceaptha teasa dá dtagraítear i mír 1, pointe (f).;

(15) in Airteagal 22(3), cuirtear an méid seo a leanas in ionad an dara fomhír:

‘Cinnfidh an fíoraitheoir an bhfuil éifeacht ábhartha ag na míráitis neamhcheartaithe, ina n-aonar nó nuair a chomhiomlánaítear iad le míráitis eile, ar na hastaíochtaí iomlána tuairiscithe nó ar na sonraí atá ábhartha maidir le leithdháileadh saor in aisce. Agus measúnú á dhéanamh ar ábharthacht na míráiteas, breithneoidh an fíoraitheoir méid agus cineál an mhíráitis chomh maith leis na himthosca ar leith a bhaineann leis.’;

(16) in Airteagal 23, scriostar mír 3;

(17) in Airteagal 26(1), cuirtear an méid seo a leanas in ionad phointe (c):

‘(c) faisnéis leormhaith chun tacú leis an tuairim maidir leis an bhfíorú, lena n-áirítear réasúinithe le breithiúnais a rinneadh maidir le cé acu atá nó nach bhfuil éifeacht ábhartha ag na míráitis a sainaithníodh ar na hastaíochtaí tuairiscithe nó ar na sonraí is ábhartha don leithdháileadh saor in aisce.’;

(18) leasaítear Airteagal 27 mar a leanas:

- (a) cuirtear an méid seo a leanas in ionad mhír 1:

‘1. Ar bhonn na faisnéise a bailíodh le linn an fhíoraithe, eiseoidh an fíoraitheoir tuarascáil fíorúcháin don oibreoir nó don oibreoir aerárthaigh maidir le gach tuarascáil astaíochtaí, tuarascáil ar shonraí bonnlíne, tuarascáil sonraí maidir le hiontrálaí nua nó tuarascáil bhliantúil ar an leibhéal gníomhaíochta a bhí faoi réir fíorúcháin, ina mbeidh aon cheann de na ráitis tuairime seo a leanas:

- (a) fíoraíodh gur sásúil an tuarascáil;
- (b) tá míráitis ábhartha i dtuarascáil an oibreora nó an oibreora aerárthaigh nár ceartaíodh sular eisíodh an tuarascáil fíorúcháin;
- (c) tá raon feidhme an fhíorúcháin rótheoranta de bhun Airteagal 28 agus níorbh fhéidir leis an bhfíoraitheoir fianaise leordhóthanach a fháil chun tuairim maidir leis an bhfíorú a eisiúint maille le dearbhú réasúnta go bhfuil an tuarascáil saor ó mhíráitis ábhartha;
- (d) neamh-chomhréireachtaí, ina n-aonar nó in éineacht le neamh-chomhréireachtaí eile, tugann siad soiléireacht neamhleor agus fágann siad nach féidir leis bhfíoraitheoir a lua le dearbhú réasúnta go bhfuil tuarascáil an oibreora nó an oibreora aerárthaigh saor ó mhíráitis ábhartha.

Chun críocha na chéad fhomhíre, pointe (a), ní fhéadfar tuarascáil an oibreora nó an oibreora aerárthaigh a fhíorú mar thuarascáil shásúil ach amháin i gcás ina bhfuil tuarascáil an oibreora nó an oibreora aerárthaigh saor ó mhíráitis ábhartha.’;

(b) cuirtear an mhír 2a seo a leanas isteach:

‘2a. I gcás ina gcuirfidh an t-oibreoir nó an t-oibreoir aerárthaigh faisnéis ábhartha a liostaítear in Iarscríbhinn Xa a ghabhann le Rialachán Cur Chun Feidhme (AE) 2018/2066 ar fáil don eintiteas rialáilte i gcomhréir le hAirteagal 75v(2) den Rialachán sin, cuirfidh an t-oibreoir nó an t-oibreoir aerárthaigh an fhaisnéis ábhartha dá dtagraítear i mír 3, pointí (l), (o), (re) agus (s) den Airteagal seo ar fáil don eintiteas rialáilte.’;

(c) leasaítear mír 3 mar a leanas:

(i) scriostar pointe (f);

(ii) cuirtear an méid seo a leanas in ionad phointe (g):

‘(g) más rud é go mbaineann sé le fíorú thuarascáil astaíochtaí an oibreora nó an oibreora aerárthaigh, astaíochtaí comhiomlánaithe in aghaidh na gníomhaíochta dá dtagraítear in Iarscríbhinn I a ghabhann le Treoir 2003/87/CE agus in aghaidh na suiteála nó an oibreora aerárthaigh.’;

(iii) cuirtear an méid seo a leanas in ionad phointe (m):

‘(m) na dátaí ar a ndearnadh na cuairteanna ar an láithreán agus cé a rinne, lena n-áirítear dátaí na gcuairteanna fíorúla ar an láithreán agus, i gcás ina gcuirtear Airteagail 34a agus 34b den Rialachán seo i bhfeidhm, dátaí na cuairte fisicí deireanaí ar an láithreán.’;

(iv) cuirtear isteach an pointe (na) seo a leanas:

‘(na) faisnéis i dtaobh an ndearna cuairt fhíoriúil ar an láithreán chomh maith leis na cúiseanna le cuairteanna fíorúla ar an láithreán a dhéanamh agus, i gcás inarb infheidhme, dáta an fhormheasa ón údarás inniúil.’;

(v) cuirtear an méid seo a leanas in ionad phointe (ra):

‘(ra) i gcás inar thug an fíoraitheoir faoi deara athruithe ábhartha ar na paraiméadair a liostaítear in Airteagal 16(5), Airteagail 19, 20 nó 21 de Rialachán Tarmligthe (AE) 2019/331 nó athruithe ar an éifeachtúlacht fuinnimh de bhun Airteagal 6(1), (2) agus (3) de Rialachán Cur Chun Feidhme (AE) 2019/1842, tuairisc ar na hathruithe sin agus barúlacha gaolmhara.’;

(vi) cuirtear na pointí (rc) agus (rd) seo a leanas isteach:

‘(rc) dearbhú gur sheiceáil an fíoraitheoir cur chun feidhme na moltaí maidir le héifeachtúlacht fuinnimh dá dtagraítear in Airteagal 17a den Rialachán seo agus go bhfuil cur chun feidhme na moltaí sin curtha i gcrích, lena n-áirítear, i gcás inarb ábhartha, tuairisc ar thorthaí ar bith agus ar aon bharúil;

(rd) dearbhú go ndearna an fíoraitheoir na seiceálacha dá dtagraítear in Airteagal 17b den Rialachán seo agus dearbhú an bhfuil feidhm ag ceann de na coinníollacha dá dtagraítear in Airteagal 22a(1) de Rialachán Tarmligthe (AE) 2019/331, lena n-áirítear, i gcás inarb ábhartha, tuairisc ar thoradh ar bith agus ar aon bharúil.’;

(vii) cuirtear pointe (re) seo a leanas isteach:

‘(re) dearbhú go ndearna an fíoraitheoir na seiceálacha dá dtagraítear in Airteagal 16(2), pointe (ha) agus Airteagal 17(7) den Rialachán seo agus nach mó méideanna na mbreosláí a úsáideadh ó sholáthróir ná an méid a fuair an t-oibreoir nó an t-oibreoir aerárthaigh ón soláthróir sin agus na méideanna arna stóráil i stoc arna ríomh i gcomhréir leis an modheolaíocht sa phlean faireacháin formheasta á gcur san áireamh, lena n-áirítear tuairisc ar thoradh ar bith nó ar aon bharúil eile.’;

(d) cuirtear an méid seo a leanas in ionad mhír 5:

‘5. Chun tuarascálacha astaíochtaí a fhíorú, más rud é go gceanglaíonn Ballstát ar an bhfíoraitheoir faisnéis maidir leis an bpróiseas fíorúcháin a chur isteach anuas ar na heilimintí a liostaítear i mír 3 agus nach bhfuil gá leis an bhfaisnéis sin chun an tuairim maidir leis an bhfíorú a thuiscint, féadfaidh an t-oibreoir nó an t-oibreoir aerárthaigh, ar chúiseanna éifeachtúlachta, an fhaisnéis bhreise sin a chur faoi bhráid an údaráis inniúil ar leithligh ón tuarascáil fíorúcháin ar dháta malartach, ach tráth nach déanaí ná an 15 Bealtaine den bhliain chéanna.’;

- (19) in Airteagal 28, cuirtear an méid seo a leanas in ionad phointe (e):
'(e) níor fhorhneas an t-údarás inniúil an plean modheolaíochta faireacháin.';
- (20) in Airteagal 30(1), cuirtear an méid seo a leanas in ionad phointí (d) agus (e):
'(d) an faireachán agus an tuairisciú a dhéantar ar astaíochtaí, lena n-áirítear i ndáil le leibhéil níos airde a bhaint amach, rioscaí a laghdú agus éifeachtúlacht a fheabhsú san fhaireachán agus sa tuairisciú;
(e) an faireachán agus an tuairisciú a dhéantar ar shonraí le haghaidh tuarascálacha ar shonraí bonnlíne, tuarascálacha ar shonraí maidir le hiontrálaí nua agus tuarascálacha bliantúla ar an leibhéal gníomhaíochta, lena n-áirítear i ndáil leis an leibhéal cruinnis is airde a bhaint amach maidir le foinsí sonraí a liostaítear in Iarscríbhinn VII a ghabhann le Rialachán Tarmligthe (AE) 2019/331, rioscaí a laghdú agus éifeachtúlacht san fhaireachán agus sa tuairisciú a fheabhsú.';
- (21) cuirtear an tAirteagal 30a seo a leanas isteach:

'Airteagal 30a

Aghaidh a thabhairt ar bharúlacha maidir le moltaí le haghaidh le héifeachtúlacht fuinnimh a chur chun feidhme

I gcás inar tuairiscíodh barúlacha nó torthaí sa tuarascáil fíorúcháin dá dtagraítear in Airteagal 27(3), pointe (rc), seiceálfaidh an fíoraitheoir le linn fhíorú na tuarascála bliantúla ar an leibhéal gníomhaíochta sa bhliain ina dhiaidh sin cén ghníomhaíocht a rinne an t-oibreoir mar thoradh ar na barúlacha sin agus an bhfuil tionchar aige sin ar an deimhniú ón bhfíoraitheoir go bhfuil cur chun feidhme na moltaí gan réiteach curtha i gcrích chun Airteagal 22a(1) de Rialachán Tarmligthe (AE) 2019/331 a chur i bhfeidhm.';

- (22) in Airteagal 32(1), cuirtear an méid seo a leanas in ionad phointe (c):
'(c) cuirtear luachanna réamhshocraithe i bhfeidhm le haghaidh fachtóirí ríomha an gháis nádúrtha nó déanann iompróir gáis seachtach fachtóirí ríofa an gháis nádúrtha a chinneadh go díreach gan aon phróiseáil ón oibreoir trí úsáid a bhaint as anailíseoirí ar líne atá faoi réir córas dlí iomchuí chun anailíseoirí fíoscacha a rialú.';
- (23) in Airteagal 33, cuirtear an méid seo a leanas in ionad mhír 1:
'1. De mhaolú ar Airteagal 21(1) den Rialachán seo, féadfaidh fíoraitheoir a chinneadh gan cuairt a thabhairt ar láithreán oibreora aerárthaigh trí úsáid a bhaint as na huirlisí simplithe dá dtagraítear in Airteagal 55(2) de Rialachán Cur Chun Feidhme (AE) 2018/2066 más rud é gur chinn an fíoraitheoir ar bhonn a anailíse riosca, gur féidir leis an bhfíoraitheoir na sonraí ábhartha uile a rochtain go cianda.';
- (24) in Airteagal 34a, cuirtear an méid seo a leanas in ionad an teidil:

'Airteagal 34a

Cuairteanna fíorúla ar an láithreán chun tuarascáil oibreora nó oibreora aerárthaigh a fhíorú';

- (25) cuirtear an tAirteagal 34b seo a leanas isteach:

'Airteagal 34b

Cuairteanna fíorúla ar an láithreán chun tuarascálacha astaíochtaí oibreora aerárthaigh a fhíorú

1. De mhaolú ar Airteagal 21(1), féadfaidh an fíoraitheoir a chinneadh cuairt fhíorúil a thabhairt ar an láithreán chun tuarascáil oibreora aerárthaigh a fhíorú i gcásanna eile nach gcumhdaítear le hAirteagal 34a. Beidh an cinneadh ón bhfíoraitheoir cuairt fhíorúil a thabhairt ar an láithreán bunaithe ar thoradh na hanailíse riosca agus tar éis a chinneadh gur féidir leis an bhfíoraitheoir na sonraí ábhartha uile a rochtain go cianda. Cuirfidh an fíoraitheoir an t-oibreoir aerárthaigh ar an eolas faoina chinneadh cuairt fhíorúil a thabhairt ar an láithreán gan moill mhíchuí.

2. Déanfaidh an fíoraitheoir bearta chun an riosca fíorúcháin a laghdú chuig leibhéal inghlactha chun dearbhú réasúnach a fháil go bhfuil tuarascáil an oibreora aerárthaigh saor ó mhíraitis ábhartha.

3. I gcásanna eile seachas na cásanna sin a chumhdaítear le hAirteagal 34a, tabharfaidh an fíoraitheoir cuairt fhisiceach ar an láithreán i gcónaí in aon cheann de na cásanna seo a leanas:

- (a) nuair a fhíoraíonn an fíoraitheoir tuarascáil astaíochtaí an oibreora aerárthaigh den chéad uair;

- (b) i gcás nach ndearna fíoraitheoir cuairt fhisiceach ar an láithreán in dhá thréimhse thuairiscithe go díreach roimh an tréimhse tuairiscithe atá ann faoi láthair;
- (c) más rud é, le linn na tréimhse tuairiscithe, go ndearnadh modhnuithe nach beag ar an bplean faireacháin lena n-áirítear na modhnuithe dá dtagraítear in Airteagal 15(4) de Rialachán Cur Chun Feidhme (AE) 2018/2066;
- (d) más rud é, le haghaidh na tréimhse tuairiscithe roimhe sin, nach siombail A an figiúr maidir le stádas comhlíontachta i gClárann an Aontais dá dtagraítear i dtábla XIV-I d'Iarscríbhinn XIII a ghabhann le Rialachán Tarmligthe (AE) 2019/1122 (*) ón gCoimisiún.
4. Ní bheidh feidhm ag mír 3, pointe (d), i gcás ina bhfuil an t-oibreoir aerárthaigh incháilithe le haghaidh fíorú simplithe i gcomhréir le hAirteagal 33(2).;

(*) Rialachán Tarmligthe (AE) 2019/1122 ón gCoimisiún an 12 Márta 2019 lena bhforlíontar Treoir 2003/87/CE ó Pharlaimint na hEorpa agus ón gComhairle a mhéid a bhaineann le feidhmiú Chlárann an Aontais (IO L 177, 2.7.2019, lch. 3, ELI: http://data.europa.eu/eli/reg_del/2019/1122/oj).;

- (26) in Airteagal 36(6), cuirtear an méid seo a leanas in ionad an dara fomhír:

‘Déanfaidh an meastóir inniúil faireachán ar na hiniúcháirí sin le linn fhíorú tuarascáil an oibreora nó an oibreora aerárthaigh nó tuarascáil an eintitis rialáilte ar láithreán na suiteála, ón oibreoir aerárthaigh nó ón eintiteas rialáilte de réir mar is iomchuí, chun a chinneadh an gcomhlíonann siad na critéir inniúlachta.’;

- (27) in Airteagal 37(5), cuirtear an méid seo a leanas in ionad na chéad fhomhíre:

‘5. Áireofar ar an bhfoireann fíorúcháin duine amháin ar a laghad ag a bhfuil an inniúlacht theicniúil agus an tuiscint is gá chun measúnú a dhéanamh ar na gnéithe sonracha faireacháin theicniúil agus tuairiscithe a bhaineann leis na gníomhaíochtaí dá dtagraítear in Iarscríbhinn I a dhéanann an tsuiteáil, an t-oibreoir aerárthaigh nó an t-eintiteas rialáilte. Áireofar ar an bhfoireann fíorúcháin freisin duine amháin atá in ann cumarsáid a dhéanamh sa teanga is gá chun tuarascáil an oibreora nó an oibreora aerárthaigh a fhíorú sa Bhallstát ina bhfuil an fíorú sin á dhéanamh ag an bhfíoraitheoir.’;

- (28) in Airteagal 38(1), cuirtear an méid seo a leanas in ionad phointe (c):

‘(c) an cumas na gníomhaíochtaí a dhéanamh a bhaineann le fíorú tuarascála oibreora nó oibreora aerárthaigh nó tuarascála eintitis rialáilte mar a cheanglaítear le Caibidil II’;

- (29) cuirtear isteach an Chaibidil IIIa seo a leanas:

‘CAIBIDIL IIIa

TUARASCÁLACHA Ó EINTITEAS RIALÁILTE A FHÍORÚ

Airteagal 43a

Iontaofacht fhíorú na dtuarascálacha ó eintiteas rialáilte

1. Beidh úsáideoirí ábalta brath ar tuarascáil fíoraithe ó eintiteas rialáilte. Léireoidh sí go dílis an méid a mhaítear go léiríonn sí nó an méid a bhféadfaí coinne a bheith leis go réasúnach go léireodh sí.
2. Beidh an próiseas fíorúcháin tuarascála ó eintiteas rialáilte ina uirlis éifeachtach agus iontaofa chun tacú le nósanna imeachta dearbhaithe cáilíochta agus rialaithe cáilíochta, lena soláthraítear faisnéis ar féidir le heintiteas rialáilte gníomhú ina leith chun feabhas a chur ar fheidhmíocht maidir le faireachán agus tuairisciú astaíochtaí.

Airteagal 43b

Barúlacha ginearálta ón bhfíoraitheoir

1. Déanfaidh an fíoraitheoir an fíorú agus na gníomhaíochtaí a cheanglaítear leis an gCaibidil seo agus é ina aidhm aige tuarascáil fíorúcháin a sholáthar ina gcinnfear le dearbhú réasúnta go bhfuil tuarascáil an eintitis rialáilte saor ó mhiráitis ábhartha.
2. Déanfaidh an fíoraitheoir an fíorú a phleanáil agus a dhéanamh de mheon an sceipteachais ghairmiúil, ag aithint dó go bhféadfadh sé go bhfuil imthosca ann a fhágann go bhfuil míráitis ábhartha san fhaisnéis i dtuarascáil an eintitis rialáilte.

3. Ní mór don fhóraitheoir fíorú a dhéanamh ar mhaithe le leas an phobail, agus a bheith neamhspleách ar an eintiteas rialáilte agus ar na húdaráis inniúla atá freagrach as Treoir 2003/87/CE.

4. Le linn an fhóraithe, déanfaidh an fóraitheoir measúnú ar an méid seo a leanas:

- (a) go bhfuil tuarascáil an eintitis rialáilte iomlán agus go gcomhlíonann sí na ceanglais a leagtar síos in Iarscríbhinní X agus Xb a ghabhann le Rialachán Cur Chun Feidhme (AE) 2018/2066;
- (b) gur ghníomhaigh an t-eintiteas rialáilte i gcomhréir le ceanglais an cheada astaíochtaí gás ceaptha teasa agus leis an bplean faireacháin a d'fhormheas an t-údarás inniúil;
- (c) go bhfuil na sonraí i dtuarascáil an eintitis rialáilte saor ó mhíraitis ábhartha;
- (d) gur féidir faisnéis a sholáthar chun tacú le sreabhadh sonraí, córas rialúcháin agus nósanna imeachta gaolmhara an eintitis rialáilte chun feabhas a chur ar fheidhmíocht faireacháin agus tuairiscithe an eintitis rialáilte.

Chun críoch phointe (c) den chéad fhomhír, gheobhaidh an fóraitheoir fianaise shoiléir oibiachtúil ón eintiteas rialáilte chun tacú le tuairisciú na hastaíochtaí comhiomlánaithe, agus an fhaisnéis eile ar fad a sholáthraítear i dtuarascáil an eintitis rialáilte á cur san áireamh.

5. Cuirfidh an fóraitheoir comhairle ar an eintiteas rialáilte an formheas is gá a fháil ón údarás inniúil sna cásanna seo a leanas:

- (a) níor fhorghheas an t-údarás inniúil an plean faireacháin de bhun Airteagal 75b(2) de Rialachán Cur Chun Feidhme (AE) 2018/2066;
- (b) tá an plean faireacháin neamhiomlán;
- (c) rinneadh modhnuithe nach beag i gcomhréir le hAirteagal 75b(3) de Rialachán Cur Chun Feidhme (AE) 2018/2066 le linn na tréimhse tuairiscithe agus níor fhorghheas an t-údarás inniúil iad dá réir sin.

Tar éis don údarás inniúil é a fhorghheas, leanfaidh an fóraitheoir de na gníomhaíochtaí fóraithe, déanfaidh sé iad an athuair nó a oiriúnú dá réir. Mura bhfuarthas an formheas sular eisíodh an tuarascáil fíorúcháin, tuairisceoidh an fóraitheoir é sin sa tuarascáil fíorúcháin.

6. Má fhaigheann an fóraitheoir amach nach bhfuil eintiteas rialáilte ag comhlíonadh Rialachán Cur Chun Feidhme (AE) 2018/2066, áireofar an neamhrialtacht sin sa tuarascáil fíorúcháin fiú má d'fhorghheas an t-údarás inniúil an plean faireacháin lena mbaineann.

Airteagal 43c

Oibleagáidí réamhchonarthacha

1. Sula nglacfaidh fóraitheoir le fíorú a dhéanamh, gheobhaidh fóraitheoir tuiscint cheart ar an eintiteas rialáilte agus déanfaidh sé measúnú i dtaobh an féidir leis tabhairt faoin bhfíorú. Chun na críche sin, déanfaidh an fóraitheoir an méid seo a leanas ar a laghad:

- (a) meastóireacht ar na rioscaí atá i gceist chun tuarascáil an eintitis rialáilte a fhíorú i gcomhréir leis an Rialachán seo;
- (b) athbhreithniú ar an bhfaisnéis arna soláthar ag an eintiteas rialáilte chun raon feidhme an fhíorúcháin a chinneadh;
- (c) measúnú i dtaobh an dtagann an fíorú faoi raon feidhme an chreidiúnaithe;
- (d) measúnú i dtaobh an bhfuil an inniúlacht, an pearsanra agus na hacmhainní is gá aige chun foireann fíorúcháin a roghnú a bheidh in ann déileáil le castacht ghníomhaíochtaí agus chabhlach an eintitis rialáilte agus an bhfuil sé ar a chumas na gníomhaíochtaí fíorúcháin a chur i gcrích go rathúil laistigh den tréimhse ama is gá;
- (e) measúnú an bhfuil sé in ann a áirithiú go bhfuil an inniúlacht ar fad ag an bhfoireann fíorúcháin ionchasach atá ar fáil dó, agus ag na daoine is gá chun gníomhaíochtaí fíorúcháin a dhéanamh le haghaidh an eintitis rialáilte shonraigh sin;
- (f) an leithdháileadh ama is gá chun an fíorú a dhéanamh i gceart a chinneadh, le haghaidh gach rannpháirtíochta fíorúcháin a iarrtar.

2. Soláthróidh an t-eintiteas rialáilte an fhaisnéis ábhartha uile don fhíoraitheoir a chuirfidh ar a chumas don fhíoraitheoir na gníomhaíochtaí dá dtagraítear i mír 1 a dhéanamh.

Airteagal 43d

Leithdháileadh ama

1. Agus an leithdháileadh ama á chinneadh ag an bhfíoraitheoir le haghaidh fíorú dá dtagraítear in Airteagal 43c(1), pointe (f), cuirfidh sé an méid seo a leanas ar a laghad san áireamh:

- (a) castacht an eintitis rialáilte;
- (b) leibhéal na faisnéise agus castacht an phlean faireacháin arna fhormheas ag an údarás inniúil;
- (c) an tairseach ábharthachta is gá;
- (d) castacht agus iomláine na ngníomhaíochtaí sreafa sonraí agus córas rialaithe an eintitis rialáilte;
- (e) suíomh na faisnéise agus na sonraí a bhaineann le hastaíochtaí gás ceaptha teasa.

2. Áiríteoidh an fíoraitheoir go ndéanfar foráil sa chonradh fíorúcháin maidir leis an bhféidearthacht go ngearrfar am breise anuas ar an am a chomhaontaítear sa chonradh, i gcás ina bhfaighfear amach go bhfuil gá leis an am breise sin le haghaidh na hanailíse straitéisí, na hanailíse riosca nó na ngníomhaíochtaí fíorúcháin eile. Áireofar an méid seo a leanas ar a laghad sna cásanna ina bhféadfadh gá a bheith leis an am breise:

- (a) le linn an fíorúcháin i gcás ina ndealraíonn sé go bhfuil gníomhaíochtaí sreafa sonraí, gníomhaíochtaí rialaithe nó lóistíocht an eintitis rialáilte níos casta ná mar a bhí coinne leis ar dtús;
- (b) i gcás ina n-aithníonn an fíoraitheoir míráitis, neamh-chomhréireachtaí, sonraí neamhleora nó earráidí sna tacaí sonraí le linn an fíoraithe.

3. Déanfaidh an fíoraitheoir an t-am a leithdháiltear sa doiciméadacht fíorúcháin inmheánach a thaifeadadh.

Airteagal 43e

Faisnéis ón eintiteas rialáilte

1. Roimh an anailís straitéiseach agus ag pointí eile ama le linn an fíoraithe, soláthróidh an t-eintiteas rialáilte an fhaisnéis uile seo a leanas don fhíoraitheoir:

- (a) cead astaíochtaí gás ceaptha teasa an eintitis rialáilte;
- (b) an leagan is déanaí de phlean faireacháin an eintitis rialáilte chomh maith le haon leagan ábhartha eile den phlean faireacháin a d'fhormheas an t-údarás inniúil, lena n-áirítear fianaise ar an bhformheas sin;
- (c) tuairisc ar ghníomhaíochtaí sreafa sonraí an eintitis rialáilte;
- (d) measúnú riosca an eintitis rialáilte, i gcomhréir le hAirteagal 59(2), pointe (a), agus Airteagal 75o de Rialachán Cur Chun Feidhme (AE) 2018/2066, agus achoimre ar an gcóras rialaithe foriomlán;
- (e) na nósanna imeachta a luaitear sa phlean faireacháin a d'fhormheas an t-údarás inniúil, lena n-áirítear nósanna imeachta ghníomhaíochtaí sreafa sonraí agus ghníomhaíochtaí rialaithe;
- (f) tuarascáil an eintitis rialáilte, lena n-áirítear an fhaisnéis arna tuairisciú a liostaítear in Iarscríbhinn Xb a ghabhann le Rialachán Cur Chun Feidhme (AE) 2018/2066;
- (g) an fhaisnéis a liostaítear in Iarscríbhinn Xa a ghabhann le Rialachán Cur Chun Feidhme (AE) 2018/2066, i gcás ina bhfuil an fhaisnéis i dtuarascáil an oibreora, an oibreora aerárthaigh nó na cuideachta loingseoireachta faighte ag an eintiteas rialáilte, i gcomhréir le hAirteagal 75v(2) den Rialachán Cur Chun Feidhme sin;
- (h) i gcás ina bhfuair an t-eintiteas rialáilte an fhaisnéis i dtuarascáil an oibreora, an oibreora aerárthaigh nó na cuideachta loingseoireachta de bhun Iarscríbhinn Xa a ghabhann le Rialachán Cur Chun Feidhme (AE) 2018/2066, aon bharúil nó toradh a bhaineann leis an eintiteas rialáilte sin a thuairiscigh an fíoraitheoir sa tuarascáil fíorúcháin, fíoraitheoir a raibh tuarascáil an oibreora, an oibreora aerárthaigh nó na cuideachta loingseoireachta á fíorú aige i gcomhréir le hAirteagal 27(3), pointí (l), (o), (re) agus (s), den Rialachán seo;

- (i) i gcás inarb infheidhme, plean samplála an eintitis rialáilte, dá dtagraítear in Airteagal 33 agus Airteagal 75k(1) de Rialachán Cur Chun Feidhme (AE) 2018/2066, arna fhormheas ag an údarás inniúil;
- (j) i gcás inar modhnaíodh an plean faireacháin le linn na tréimhse tuairiscithe, taifead ar na modhnuithe sin uile i gcomhréir le hAirteagal 16(3) agus Airteagal 75b(1) de Rialachán Cur Chun Feidhme (AE) 2018/2066;
- (k) i gcás inarb infheidhme, na tuarascálacha dá dtagraítear in Airteagal 75q de Rialachán Cur Chun Feidhme (AE) 2018/2066;
- (l) i gcás nach ndearna an fíoraitheoir an fíorú le haghaidh an eintitis rialáilte an bhliain roimhe sin, an tuarascáil fíorúcháin ón mbliain roimhe sin;
- (m) gach comhfhreagras ábhartha leis an údarás inniúil, go háirithe faisnéis a bhaineann le fógra a thabhairt faoi mhodhnuithe ar an bplean faireacháin chomh maith le ceartúcháin ar na sonraí a tuairiscíodh;
- (n) i gcás inarb infheidhme, formheas ón údarás inniúil gan cuairteanna ar an láithreán a dhéanamh de bhun Airteagal 43v agus Airteagal 43w den Rialachán seo;
- (o) fianaise an eintitis rialáilte lena léirítear comhlíontacht leis na tairseacha éiginnteachta le haghaidh na sraitheanna a leagtar síos sa phlean faireacháin;
- (p) aon fhaisnéis ábhartha eile is gá chun an fíorú a phleanáil agus a dhéanamh.

2. Sula n-eiseoidh an fíoraitheoir an tuarascáil fíorúcháin, cuirfidh an t-eintiteas rialáilte tuarascáil chríochnaitheach ón eintiteas rialáilte ar fáil dó arna húdarú agus arna bailíochtú go hinmheánach.

Airteagal 43f

Anailís straitéiseach

1. Ag tús an fhíoraithe, déanfaidh an fíoraitheoir cineál, scála agus castacht dhóchúil na gcúraimí fíorúcháin a mheasúnú trí anailís straitéiseach a dhéanamh ar na gníomhaíochtaí uile is ábhartha don eintiteas rialáilte.

2. Chun tuiscint a fháil ar na gníomhaíochtaí a dhéanann an t-eintiteas rialáilte, baileoidh agus athbhreithneoidh an fíoraitheoir an fhaisnéis is gá chun a mheasúnú an bhfuil dóthain inniúlachtaí ag an bhfoireann fíorúcháin chun an fíorú a dhéanamh, chun a chinneadh a gur socraíodh an leithdháileadh ama a thugtar le fios sa chonradh i gceart agus chun a áirithiú gur féidir leis an anailís riosca is gá a dhéanamh. Áireofar an méid seo a leanas san fhaisnéis sin ar a laghad:

- (a) an fhaisnéis dá dtagraítear in Airteagal 43e(1);
- (b) an tairseach ábharthachta is gá;
- (c) an fhaisnéis a fuarthas ón bhfíorú i mblianta roimhe seo, má tá an fíorú á dhéanamh ag an bhfíoraitheoir le haghaidh na cuideachta céanna.

3. Le linn don fhíoraitheoir an fhaisnéis dá dtagraítear i mír 1 a athbhreithniú, déanfaidh sé na gnéithe seo a leanas a mheasúnú ar a laghad:

- (a) catagóir an eintitis rialáilte chomh maith leis na gníomhaíochtaí earnála lena scaoileann an t-eintiteas rialáilte na breoslaí lena dtomhailt;
- (b) castacht an tslabhra soláthair breosla chomh maith le líon agus cineál na dtomhaltóirí breosla;
- (c) an plean faireacháin a d'fhormheas an t-údarás inniúil chomh maith le sonraíochtaí na modheolaíochta faireacháin agus na bhfachtóirí raoin feidhme a leagtar síos sa phlean faireacháin sin, de bhun Chaibidil VIIa de Rialachán Cur Chun Feidhme (AE) 2018/2066;
- (d) cineál, scála agus castacht na sruthanna breosla chomh maith leis an trealamh, na foinsí sonraí agus na próisis a úsáidtear chun na méideanna breosla a scaoileadh a chinneadh, tionscnamh agus cur i bhfeidhm na bhfachtóirí ríofa agus na foinsí sonraí príomhúla eile;
- (e) na gníomhaíochtaí sreafa sonraí, an córas rialúcháin agus an timpeallacht rialaithe.

4. Le linn don fhíoraitheoir an anailís straitéiseach a dhéanamh, ba cheart dó na nithe seo a leanas a sheiceáil:

- (a) an é an plean faireacháin a cuireadh faoina bhráid an leagan is déanaí agus, i gcás inar gá, ar fhormheas an t-údarás inniúil é;

- (b) an ndearnadh aon mhodhnú ar an bplean faireacháin le linn na tréimhse tuairiscithe;
- (c) i gcás inarb infheidhme, ar tugadh fógra don údarás inniúil faoi na modhnuithe dá dtagraítear i bpointe (b) den mhír seo de bhun Airteagail 15(1) agus 75b(1) nó Airteagal 75g de Rialachán Cur Chun Feidhme (AE) 2018/2066 nó ar fhormheas an t-údarás inniúil iad i gcomhréir le hAirteagail 15(2) agus 75b(1) de Rialachán Cur Chun Feidhme (AE) 2018/2066.

Airteagal 43g

Anailís riosca

1. Sainaitheoidh an fíoraitheoir na heilimintí seo a leanas agus déanfaidh sé anailísiú orthu chun fíorú éifeachtach a dhearadh, a phleanáil agus a chur chun feidhme:
 - (a) na rioscaí fréimhíochta;
 - (b) na gníomhaíochtaí rialaithe;
 - (c) i gcás inar cuireadh gníomhaíochtaí rialaithe dá dtagraítear i bpointe (b) chun feidhme, na rioscaí rialaithe a bhaineann le héifeachtacht na ngníomhaíochtaí rialaithe sin.
2. Agus na heilimintí dá dtagraítear i mír 1 den Airteagal seo á sainaithint agus á n-anailísiú ag an bhfíoraitheoir, breithneoidh an fíoraitheoir an méid seo a leanas ar a laghad:
 - (a) torthaí na hanailíse straitéisí dá dtagraítear in Airteagal 43f(1);
 - (b) an fhaisnéis dá dtagraítear in Airteagal 43e agus in Airteagal 43f(2), pointe (c);
 - (c) an tairseach ábharthachta dá dtagraítear in Airteagal 43f(2), pointe (b).
3. Má chinneann an fíoraitheoir nár shainaithin an t-eintiteas rialáilte na rioscaí fréimhíochta agus na rioscaí rialaithe ábhartha ina mheasúnú riosca, cuirfidh an fíoraitheoir an t-eintiteas rialáilte ar an eolas faoi sin.
4. I gcás inarb iomchuí, de réir na faisnéise a fuarthas le linn an fhíoraithe, déanfaidh an fíoraitheoir an anailís riosca a athbhreithniú agus na gníomhaíochtaí fíorúcháin a bheidh le déanamh a mhodhnú nó a athdhéanamh.

Airteagal 43h

Plean fíorúcháin

1. Dréachtóidh an fíoraitheoir plean fíorúcháin a bheidh ag teacht leis an bhfaisnéis a gheofar agus na rioscaí a shainaithneofar le linn na hanailíse straitéisí agus na hanailíse riosca, ina gcuimseofar an méid seo a leanas ar a laghad:
 - (a) clár fíorúcháin ina dtugtar tuairisc ar chineál agus ar raon feidhme na ngníomhaíochtaí fíorúcháin mar aon leis an am agus an bealach a dhéanfar na gníomhaíochtaí sin;
 - (b) plean trialach ina leagtar amach an raon feidhme agus na modhanna chun na gníomhaíochtaí rialaithe a thástáil chomh maith leis na nósanna imeachta um gníomhaíochtaí rialaithe;
 - (c) plean samplála sonraí ina leagtar amach raon feidhme agus modhanna na samplála sonraí a bhaineann le pointí sonraí is bun leis na hastaíochtaí comhiomlánaithe i dtuarascáil an eintitis rialáilte.
2. Bunóidh an fíoraitheoir an plean tástála dá dtagraítear i mír 1, pointe (b), den Airteagal seo ar bhealach lenar féidir leis a chinneadh a mhéid is féidir brath ar na gníomhaíochtaí rialaithe ábhartha chun measúnú a dhéanamh ar chomhlíontacht leis na ceanglais a leagtar amach in Airteagal 43b(4), pointí (b) agus (c).

Agus an méid samplála agus na gníomhaíochtaí samplála á gcinneadh chun na gníomhaíochtaí rialaithe a thástáil, cuirfidh an fíoraitheoir na heilimintí seo a leanas san áireamh:

- (a) na rioscaí fréimhíochta;
- (b) an timpeallacht rialaithe;
- (c) na gníomhaíochtaí rialaithe ábhartha;
- (d) an ceanglas chun tuairim maidir leis an bhfíorú a sholáthar le dearbhú réasúnta.

3. Agus an méid samplála agus na gníomhaíochtaí samplála á gcinneadh chun sonraí a shampláil dá dtagraítear i mír 1, pointe (c), cuirfidh an fíoraitheoir na heilimintí seo a leanas san áireamh:

- (a) na rioscaí fréimhíochta agus na rioscaí riosca rialaithe;
- (b) torthaí na nósanna imeachta anailíseacha;
- (c) an ceanglas chun tuairim maidir leis an bhfíorú a sholáthar le dearbhú réasúnta;
- (d) an tairseach ábharthachta;
- (e) ábharthacht an mhéid a chuir eilimint sonraí aonair leo le haghaidh an tacair sonraí fhoriomláin.

4. Bunóidh an fíoraitheoir plean fíorúcháin agus cuirfidh sé chun feidhme é ar bhealach lena laghdaítear an riosca fíorúcháin chuig leibhéal inghlactha chun dearbhú réasúnach a fháil go bhfuil tuarascáil an eintitis rialáilte saor ó mhírítis ábhartha.

5. Déanfaidh an fíoraitheoir an anailís riosca agus an plean fíorúcháin a nuashonrú, agus déanfaidh sé na gníomhaíochtaí fíorúcháin a oiriúnú le linn an fhíorúcháin más rud é go n-aimsíonn sé rioscaí breise is gá a laghdú nó más rud é gur lú an riosca iarbhrí ná mar a bhí coinne leis ar dtús.

Airteagal 43i

Gníomhaíochtaí fíorúcháin

Cuirfidh an fíoraitheoir an plean fíorúcháin chun feidhme agus, ar bhonn na hanailíse riosca, seiceálfaidh an fíoraitheoir cur chun feidhme an phlean faireacháin a d'fhorhmeas an t-údarás inniúil.

Chuige sin, déanfaidh an fíoraitheoir tástáil shubstainteach ar a laghad ina mbeidh nósanna imeachta anailíseacha, fíorú sonraí agus seiceáil na modheolaíochta faireacháin agus seiceálfaidh sé an méid seo a leanas:

- (a) na gníomhaíochtaí sreafa sonraí agus na córais a úsáidtear sa sreabhadh sonraí, lena n-áirítear córais teicneolaíochta faisnéise;
- (b) an ndéantar na ngníomhaíochtaí rialaithe a dhoiciméadú, a chur chun feidhme agus a choinneáil ar bun go hiomchuí, agus an bhfuil siad éifeachtach chun na rioscaí fréimhíochta a mhaolú;
- (c) an bhfuil na nósanna imeachta a liostaítear sa phlean faireacháin éifeachtach chun na rioscaí fréimhíochta agus na rioscaí rialaithe a mhaolú, agus ar cuireadh na nósanna imeachta chun feidhme, agus an bhfuil siad á ndoiciméadú agus á gcoinneáil ar bun go hiomchuí.

Chun críocha phointe (a) den dara mír, déanfaidh an fíoraitheoir rianú ar an sreabhadh sonraí agus é ag leanúint sheicheamh agus idirghníomhú na ngníomhaíochtaí sreafa sonraí idir na sonraí foinse príomhúla go dtí tiomsú na tuarascála ón eintiteas rialáilte.

Airteagal 43j

Nósanna imeachta Anailíseacha

1. Úsáidfídh an fíoraitheoir nósanna imeachta anailíseacha chun sochreidteacht agus iomláine na sonraí a mheasúnú i gcás ina léiríonn an riosca fréimhíochta, an riosca rialaithe agus oiriúnacht ghníomhaíochtaí rialaithe an eintitis rialáilte an gá atá le nósanna imeachta anailíseacha den sórt sin.

2. Agus na nósanna imeachta anailíseacha dá dtagraítear i mír 1 á gcur i gcrích ag an bhfíoraitheoir, déanfaidh sé measúnú ar na sonraí tuairiscithe chun réimsí riosca a d'fhéadfadh a bheith ann a shainaithint agus chun na gníomhaíochtaí fíorúcháin atá beartaithe a bhailíochtú agus a chur in oiriúint ina dhiaidh sin. Déanfaidh an fíoraitheoir an méid seo a leanas ar a laghad:

- (a) measúnú ar shochreidteacht luaineachtaí agus treochtaí le himeacht ama nó idir ítimí inchomparáide;
- (b) asluitigh láithreacha, sonraí gan choinne agus bearnaí sonraí a shainaithint.

3. Agus na nósanna imeachta anailíseacha dá dtagraítear i mír 1 á gcur i bhfeidhm ag an bhfíoraitheoir, déanfaidh sé na nósanna imeachta seo a leanas:

- (a) réamhnósanna imeachta anailíseacha maidir le sonraí comhiomlánaithe sula ndéanfar na gníomhaíochtaí dá dtagraítear in Airteagal 43i chun tuiscint a fháil ar chineál, castacht agus ábharthacht na sonraí tuairiscithe;

(b) nósanna imeachta anailíseacha substainteacha maidir leis na sonraí comhiomlánaithe agus na pointí sonraí is bun leis na sonraí sin chun earráidí struchtúracha a d'fhéadfadh a bheith ann agus asluitigh láithreacha a shainaithint;

(c) nósanna imeachta anailíseacha deiridh maidir leis na sonraí comhiomlánaithe chun a áirithiú gur réitíodh i gceart gach earráid a sainaithníodh le linn an phróisis fíorúcháin.

4. I gcás ina sainaithníonn an fíoraitheoir asluitigh, luaineachtaí, treochtaí, bearnaí sonraí nó sonraí nach bhfuil comhsheasmhach le faisnéis ábhartha eile nó a bhfuil éagsúlacht nach beag idir iad agus na méideanna nó cóimheasa a raibh coinne leo, gheobhaidh an fíoraitheoir mínithe ón eintiteas rialáilte agus fianaise ábhartha bhreise ag gabháil leo.

Ar bhonn na mínithe agus na fianaise breise a chuirfear ar fáil, déanfaidh an fíoraitheoir measúnú ar an tionchar ar an bplean fíorúcháin agus ar na gníomhaíochtaí fíorúcháin atá le déanamh.

Airteagal 43k

Fíorú sonraí

1. Fíoróidh an fíoraitheoir na sonraí i dtuascáil an eintitis rialáilte trí thástáil mhionsonraithe ar na sonraí a chur i bhfeidhm, lena n-áirítear trí na sonraí a rianú ar ais go dtí an fhoinse sonraí phríomhúil, sonraí a chros-seiceáil le foinsí sonraí seachtracha, réitigh a dhéanamh, tairseacha maidir le sonraí iomchuí a sheiceáil agus athríomhanna a dhéanamh.

2. Agus na sonraí dá dtagraítear i mír 1 á bhfíorú agus an plean faireacháin formheasta á chur san áireamh, lena n-áirítear na nósanna imeachta a bhfuil tuairisc orthu sa phlean sin, seiceálfaidh an fíoraitheoir an méid seo a leanas:

- (a) teorainneacha faireacháin an eintitis rialáilte, lena n-áirítear na suíomhanna óna scaoiltear breosla chuig an tomhaltóir;
- (b) iomláine na sreabh breosla arna scaoileadh mar a thuairiscítear sa phlean faireacháin a d'fhormheas an t-údarás inniúil chomh maith leis na méideanna breosla agus na sonraí astaíochtaí gaolmhara;
- (c) an chomhsheasmhacht idir méideanna comhiomlánaithe breosla arna scaoileadh agus sonraí maidir le breosla arna cheannach nó arna sholáthar ar bhealach eile don eintiteas rialáilte;
- (d) comhsheasmhacht na sonraí tuairiscithe comhiomlánaithe i dtuascáil an eintitis rialáilte le sonraí foinse príomhúla;
- (e) iontaofacht agus cruinneas na sonraí.

Airteagal 43l

Cur i bhfeidhm ceart na modheolaíochta faireacháin a fhíorú

1. Seiceálfaidh an fíoraitheoir cur i bhfeidhm agus cur chun feidhme ceart na modheolaíochta faireacháin a d'fhormheas an t-údarás inniúil sa phlean faireacháin lena n-áirítear sonraí sonracha na modheolaíochta faireacháin sin.

2. Chun tuascáil astaíochtaí an eintitis rialáilte a fhíorú, seiceálfaidh an fíoraitheoir cur i bhfeidhm agus cur chun feidhme ceart an phlean samplála dá dtagraítear in Airteagail 33 agus 75k de Rialachán Cur Chun Feidhme (AE) 2018/2066, mar a d'fhormheas an t-údarás inniúil é.

3. I gcás ina gceanglaítear le Rialachán Cur Chun Feidhme (AE) 2018/2066 ar an eintiteas rialáilte comhlíontacht leis na tairseacha éiginnteachta le haghaidh sonraí gníomhaíochta agus fachtóirí ríofa a léiriú, deimhneoidh an fíoraitheoir bailíocht na faisnéise a úsáideadh chun na leibhéil éiginnteachta a leagtar amach sa phlean faireacháin formheasta a ríomh.

4. Agus an mhodheolaíocht faireacháin dá dtagraítear i mír 1 den Airteagal seo á seiceáil, seiceálfaidh an fíoraitheoir cur i bhfeidhm agus cur chun feidhme ceart an mhodha chun an fachtóir raoin feidhme a chinneadh, mar a leagtar síos é sa phlean faireacháin a d'fhormheas an t-údarás inniúil, de bhun Chaibidil VIIa de Rialachán Cur Chun Feidhme (AE) 2018/2066.

5. Seiceálfaidh an fíoraitheoir fianaise an eintitis rialáilte lena léirítear ar scaoileadh an breosla lena thomhailt in earnálacha a chumhdaítear le Caibidil III de Threoir 2003/87/CE.

6. Chun a mheasúnú ar úsáideadh na breoslaí arna scaoileadh lena dtomhailt in earnálacha a chumhdaítear le Caibidil III de Threoir 2003/87/CE san aon bhliain tuairiscithe amháin agus an féidir iad a asbhaint i gcomhréir le hAirteagal 75v(4) de Rialachán Cur Chun Feidhme (AE) 2018/2066, seiceálfaidh an fíoraitheoir an chomhsheasmhacht idir an fhaisnéis dá dtagraítear in Airteagal 43e(1), pointe (g), den Rialachán seo leis an bhfaisnéis i dtuascáil an eintitis rialáilte a bhaineann le hlarscríbhinn Xb a ghabhann le Rialachán Cur Chun Feidhme (AE) 2018/2066.

Airteagal 43m

Fíorú na modhanna a cuireadh i bhfeidhm ar shonraí in easnamh

1. I gcás inar úsáideadh modhanna a leagtar síos sa phlean faireacháin arna fhormheas ag an údarás inniúil chun sonraí in easnamh a chomhlánú de bhun Airteagal 66 agus Airteagal 75o de Rialachán Cur Chun Feidhme (AE) 2018/2066, seiceálfaidh an fíoraitheoir arbh iad modhanna is iomchuí don chás sonrach a úsáid, agus ar cuireadh i bhfeidhm i gceart iad.

Má fhaigheann an t-eintiteas rialáilte formheas ón údarás inniúil chun modhanna eile a úsáid nach na modhanna sin iad dá dtagraítear sa chéad fhomhír den mhír seo i gcomhréir le hAirteagal 66 agus Airteagal 75o de Rialachán Cur Chun Feidhme (AE) 2018/2066, seiceálfaidh an fíoraitheoir ar cuireadh an cur chuige formheasta i bhfeidhm i gceart agus an ndearnadh doiciméadú iomchuí air.

I gcás nach féidir leis an eintiteas rialáilte an formheas sin a fháil in am, seiceálfaidh an fíoraitheoir an áirithítear leis an gcur chuige a úsáideann an t-eintiteas rialáilte chun na sonraí atá in easnamh a chomhlánú nach ndéantar gannmheastachán ar na hastaíochtaí agus nach n-eascraíonn míráitis ábhartha as an gcur chuige sin.

2. Seiceálfaidh an fíoraitheoir éifeachtacht na ngníomhaíochtaí rialaithe arna gcur chun feidhme ag eintiteas rialáilte chun sonraí in easnamh a chosc dá dtagraítear in Airteagal 66 agus 75o de Rialachán Cur Chun Feidhme (AE) 2018/2066.

Airteagal 43n

Sampláil

1. Agus comhréireacht na ngníomhaíochtaí rialaithe agus na nósanna imeachta dá dtagraítear in Airteagal 43i, pointí (b) agus (c) á seiceáil ag an bhfíoraithe, nó nuair a bheidh na seiceálacha dá dtagraítear in Airteagal 43j agus 43k á ndéanamh aige, féadfaidh an fíoraitheoir modhanna samplála a úsáid a bhaineann go sonrach le heintiteas rialáilte ar choinníoll go mbeidh údar le sampláil ar bhonn na hanailíse riosca.

2. I gcás ina sainaithníonn an fíoraitheoir neamh-chomhréireacht nó míráiteas le linn na samplála, iarrfaidh sé ar an eintiteas rialáilte na príomhchúiseanna leis an neamh-chomhréireacht nó leis an míráiteas a mhíniú chun measúnú a dhéanamh ar thionchar na neamh-chomhréireachta nó an mhírátis ar na sonraí a tuairiscíodh. Ar bhonn thoradh an mheasúnaithe sin, cinntfidh an fíoraitheoir an bhfuil gá le gníomhaíochtaí fíorúcháin breise, an gá an méid samplála a mhéadú, agus cén chuid dhaonra na sonraí a chaithfidh an t-eintiteas rialáilte a cheartú.

3. Doiciméadóidh an fíoraitheoir toradh na seiceálacha dá dtagraítear in Airteagal 43i go 43l, lena n-áirítear sonraí na samplaí breise, sa doiciméadacht fíorúcháin inmheánach.

Airteagal 43o

Aghaidh a thabhairt ar mhírátis, neamh-chomhréireachtaí agus neamhchomhlíontacht

1. Má shainaithníonn an fíoraitheoir míráitis, neamh-chomhréireachtaí nó neamhchomhlíontacht le Rialachán Cur Chun Feidhme (AE) 2018/2066, le linn an fhíoraithe, cuirfidh sé an t-eintiteas rialáilte ar an eolas faoi sin ar go tráthúil agus iarrfaidh sé ceartúcháin ábhartha. Ceartóidh an t-eintiteas rialáilte aon mhírátis nó neamh-chomhréireacht a cuireadh in iúl.

I gcás inar sainaithníodh neamhchomhlíontacht le Rialachán Cur Chun Feidhme (AE) 2018/2066, tabharfaidh an t-eintiteas rialáilte fógra don údarás inniúil agus ceartóidh sé an neamhchomhlíontacht de réir mar is iomchuí gan moill mhíchuí.

2. Maidir le gach míráiteas, neamh-chomhréireacht nó neamhchomhlíontacht le Rialachán Cur Chun Feidhme (AE) 2018/2066 a cheartaigh an t-eintiteas rialáilte le linn an fhíoraithe, déanfaidh an fíoraitheoir iad a dhoiciméadú agus a mharcáil mar míráitis, neamh-chomhréireachtaí nó neamhchomhlíontachtaí a réitíodh sa doiciméadacht fíorúcháin inmheánach.

3. Mura gceartaíonn an t-eintiteas rialáilte na míráitis nó na neamh-chomhréireachtaí a chuir an fíoraitheoir in iúl dó i gcomhréir le mír 1 sula n-eiseoidh an fíoraitheoir an tuarascáil fíorúcháin, iarrfaidh an fíoraitheoir ar an eintiteas rialáilte na príomhchúiseanna leis an neamh-chomhréireacht nó leis an míráiteas a mhíniú chun measúnú a dhéanamh ar thionchar na neamh-chomhréireachtaí nó na míráiteas ar na sonraí tuairiscithe.

Cinnfidh an fíoraitheoir an bhfuil éifeacht ábhartha ag na míráitis neamhcheartaithe, ina n-aonar nó nuair a chomhiomlánaítear iad le míráitis eile, ar na hastaíochtaí iomlána tuairiscithe. Agus measúnú á dhéanamh ar ábharthacht na míráiteas, breithneoidh an fíoraitheoir méid agus cineál an mhíráitis chomh maith leis na himthosca ar leith a bhaineann le tarlú na míráiteas.

Déanfaidh an fíoraitheoir measúnú i dtaobh an mbíonn tionchar ag an neamh-chomhréireacht neamhcheartaithe, go haonarach nó nuair a chomhiomlánaítear í le neamh-chomhréireachtaí eile, ar na sonraí tuairiscithe agus an mbíonn míráiteas ábhartha ann mar thoradh air sin.

Mura gceartaíonn an t-eintiteas rialáilte neamhchomhlíontacht le Rialachán Cur Chun Feidhme (AE) 2018/2066 i gcomhréir le mír 1 sula n-eiseoidh an fíoraitheoir an tuarascáil fíorúcháin, déanfaidh an fíoraitheoir measúnú i dtaobh an bhfuil tionchar ag an neamhchomhlíontacht neamhcheartaithe ar na sonraí tuairiscithe agus an mbíonn míráiteas ábhartha ann mar thoradh air sin.

Féadfaidh an fíoraitheoir míráitis a bhreithniú mar mhíráitis ábhartha fiú má bhíonn na míráitis sin, ina n-aonar nó nuair a chomhiomlánaítear iad le míráitis eile, faoi bhun na tairisí ábharthachta a leagtar amach in Airteagal 43p, i gcás ina bhfuil údar leis an mbreithniú sin i ngeall ar mhéid agus ar chineál na míráiteas agus ar imthosca ar leith a bhaineann le tarlú na míráiteas.

Airteagal 43p

Tairseach ábharthachta

1. Maidir le heintitis rialáilte a bhfuil astaíochtaí bliantúla acu a bhaineann le breoslaí arna scaoileadh lena dtomhailt atá cothrom le 500 000 tona CO_{2e} nó níos lú ná sin, is í an tairseach ábharthachta 5 % de na hastaíochtaí iomlána tuairiscithe sa tréimhse tuairiscithe atá faoi réir fíorúcháin, chun tuarascálacha ó eintitis rialáilte a fhíorú.

2. Maidir le heintitis rialáilte a bhfuil astaíochtaí bliantúla acu a bhaineann le breoslaí arna scaoileadh lena dtomhailt is mó ná 500 000 tona CO_{2e}, is í an tairseach ábharthachta 2 % de na hastaíochtaí iomlána tuairiscithe sa tréimhse tuairiscithe atá faoi réir fíorúcháin, chun tuarascálacha ó eintitis rialáilte a fhíorú.

Airteagal 43q

Fíorú, athbhreithniú neamhspleách agus taifeadadh a thabhairt i gcrích

1. Agus an fíorú á chur i gcrích agus an fhaisnéis a fuarthas le linn an fhíorúcháin á cur san áireamh, déanfaidh an fíoraitheoir an méid seo a leanas:

- seiceáil ar na sonraí deiridh ón eintiteas rialáilte, lena n-áirítear sonraí a coigeartaíodh ar bhonn faisnéis a fuarthas le linn an fhíoraithe;
- athbhreithniú ar na cúiseanna atá ag an eintiteas rialáilte le haon difríocht idir na sonraí deiridh agus na sonraí a soláthraíodh roimhe sin;
- athbhreithniú ar thoradh an mheasúnaithe chun a chinneadh ar cuireadh an plean faireacháin a d'fhorghas an t-údarás inniúil chun feidhme i gceart, lena n-áirítear na nósanna imeachta a dtugtar tuairisc orthu sa phlean sin;
- measúnú i dtaobh an bhfuil an riosca fíorúcháin ar leibhéal íseal atá inghlactha chun dearbhú réasúnta a fháil;
- a áirithiú gur bailíodh fianaise leormhaith ionas gur féidir tuairim maidir leis an bhfíorú a thabhairt le dearbhú réasúnta go bhfuil an tuarascáil saor ó mhíráitis ábhartha;
- a áirithiú go ndéantar an próiseas fíorúcháin a dhoiciméadú go hiomlán sa doiciméadacht fíorúcháin inmheánach agus gur féidir breithiúnas críochnaitheach a thabhairt sa tuarascáil fíorúcháin.

2. Déanfaidh an fíoraitheoir athbhreithniú neamhspleách i gcomhréir le hAirteagal 25.

3. Ullmhóidh agus tiomsóidh an fíoraitheoir doiciméadacht fíorúcháin inmheánach ina mbeidh an méid seo a leanas ar a laghad:

- (a) torthaí na ngníomhaíochtaí fíorúcháin a rinneadh;
- (b) an anailís straitéiseach, an anailís riosca agus an plean fíorúcháin;
- (c) faisnéis leormhaith chun tacú leis an tuairim maidir leis an bhfíorú, lena n-áirítear údair le breithiúnais a rinneadh i dtaobh an bhfuil éifeacht ábhartha ag na míráitis a sainathnóidh ar na hastaíochtaí tuairiscithe.

Beidh feidhm ag Airteagal 26(2) agus (3) chun tuarascálacha ó eintiteas rialáilte a fhíorú.

Airteagal 43r

Tuarascáil fíorúcháin

1. Ar bhonn na faisnéise a bailíodh le linn an fhíorúcháin, eiseoidh an fíoraitheoir tuarascáil fíorúcháin don eintiteas rialáilte maidir le gach tuarascáil astaíochtaí a bhí faoi réir fíorúcháin. Leagfar amach sa tuarascáil fíorúcháin an méid seo a leanas:

- (a) fíoraíodh gur sásúil an tuarascáil;
- (b) an bhfuil míráitis ábhartha i dtuarascáil an eintitis rialáilte nár ceartaíodh sular eisíodh an tuarascáil fíorúcháin;
- (c) an bhfuil raon feidhme an fhíorúcháin rótheoranta de bhun Airteagal 43s agus níorbh fhéidir leis an bhfíoraitheoir fianaise leordhóthanach a fháil chun tuairim maidir leis an bhfíorú a eisiúint maille le dearbhú réasúnta go bhfuil an tuarascáil saor ó mhíráitis ábhartha;
- (d) an dtugann neamh-chomhréireachtaí, ina n-aonar nó in éineacht le neamh-chomhréireachtaí eile, soiléireacht neamhleor agus an bhfágann siad nach féidir leis an bhfíoraitheoir a lua le dearbhú réasúnta go bhfuil tuarascáil an eintitis rialáilte saor ó mhíráitis ábhartha.

Chun críocha na chéad fhomhíre, pointe (a), ní fhéadfar tuarascáil an eintitis rialáilte a fhíorú mar thuarascáil shásúil ach amháin i gcás ina bhfuil tuarascáil an eintitis rialáilte saor ó mhíráitis ábhartha.

2. Cuirfidh an t-eintiteas rialáilte an tuarascáil fíorúcháin faoi bhráid an údaráis inniúil in éineacht le tuarascáil an eintitis rialáilte atá i gceist.

3. Beidh na heilimintí seo a leanas ar a laghad sa tuarascáil fíorúcháin:

- (a) ainm an eintitis rialáilte;
- (b) cuspóirí an fhíorúcháin;
- (c) raon feidhme an fhíorúcháin;
- (d) tagairt do thuarascáil an eintitis rialáilte a fíoraíodh;
- (e) na critéir a úsáideadh chun tuarascáil an eintitis rialáilte a fhíorú, lena n-áirítear an cead agus na leaganacha den phlean faireacháin a d'fhormheas an t-údarás inniúil chomh maith le tréimhse bhailíochta gach plean;
- (f) astaíochtaí comhiomlánaithe a bhaineann leis an mbreosla arna scaoileadh lena thomhailt chuig gníomhaíocht dá dtagraítear in Iarscríbhinn III a ghabhann le Treoir 2003/87/CE agus in aghaidh an eintitis rialáilte;
- (g) an tréimhse tuairiscithe atá faoi réir fíorúcháin;
- (h) freagrachtaí an eintitis rialáilte, an údaráis inniúil agus an fhíoraitheora;
- (i) an dearbhú tuairime maidir leis an bhfíorú;
- (j) tuairisc ar aon mhíráiteas agus neamh-chomhréireacht a sainathnóidh nár ceartaíodh sular eisíodh an tuarascáil fíorúcháin;
- (k) na dátaí a ndearnadh na cuairteanna ar an láithreán agus cé a rinne iad, lena n-áirítear dátaí na gcuairteanna fíorúla ar an láithreán;
- (l) faisnéis i dtaobh ar tarscaoileadh aon chuairt ar an láithreán chomh maith leis na cúiseanna le tarscaoileadh na gcuairteanna sin ar an láithreán;
- (m) faisnéis i dtaobh an ndearna cuairt fhíorúil ar an láithreán chomh maith leis na cúiseanna le cuairteanna fíorúla ar an láithreán a dhéanamh agus dáta an fhormheasa ón údarás inniúil;

- (n) deimhniú go ndearna an fíoraitheoir na seiceálacha de bhun Airteagal 43l(6) den Rialachán seo agus go bhfuil an fhaisnéis dá dtagraítear in Airteagal 43e(1), pointe (g), den Rialachán seo comhsheasmhach leis an bhfaisnéis i dtuascáil an eintitis rialáilte a bhaineann le hlarscríbhinn Xb a ghabhann le Rialachán Cur Chun Feidhme (AE) 2018/2066;
 - (o) aon saincheist maidir le neamhchomhlíontacht le Rialachán Cur Chun Feidhme (AE) 2018/2066 a tháinig chun solais le linn an fhíorúcháin;
 - (p) mura féidir formheas ón údarás inniúil a fháil in am le haghaidh an mhodha a úsáideadh chun na sonraí atá ar iarraidh a chomhlánú de bhun Airteagal 43m(1), an tríú fomhír, den Rialachán seo, deimhniú an bhfuil an modh a úsáideadh coimeádach agus an mbíonn míráitis ábhartha ann dá thoradh;
 - (q) moltaí chun feabhais, i gcás inarb infheidhme;
 - (r) ainm an phríomhíniúcháir CTA AE maidir le trádáil astaíochtaí, an athbhreithneora neamhspleách agus, i gcás inarb infheidhme, an iniúcháir CTA AE maidir le trádáil astaíochtaí agus an tsaineolaí theicniúil a bhí rannpháirteach i bhfíorú na tuascála ón eintiteas rialáilte;
 - (s) an dáta agus an síniú ag duine údaraithe thar ceann an fhíoraitheora, lena n-áirítear a ainm.
4. Tabharfaidh an fíoraitheoir tuairisc sa tuascáil fíorúcháin ar na míráitis, na neamh-chomhréireachtaí agus an neamhchomhlíontacht le Rialachán Cur Chun Feidhme (AE) 2018/2066 chun go mbeidh an t-eintiteas rialáilte agus an t-údarás inniúil in ann an méid seo a leanas a thuiscint:
- (a) méid agus cineál an mhírátis, na neamh-chomhréireachta nó na neamhchomhlíontachta le Rialachán Cur Chun Feidhme (AE) 2018/2066;
 - (b) an fáth a bhfuil éifeacht ábhartha ag an míráiteas, nó nach bhfuil;
 - (c) an eilimint de thuarascáil an eintitis rialáilte dá dtagraíonn an míráiteas, nó an eilimint den phlean faireacháin dá dtagraíonn an neamh-chomhréireacht;
 - (d) an tAirteagal i Rialachán Cur Chun Feidhme (AE) 2018/2066 lena mbaineann an neamhchomhlíontacht.

Airteagal 43s

Teorainn an raoin feidhme

Féadfaidh an fíoraitheoir a chinneadh go bhfuil raon feidhme an fhíorúcháin dá dtagraítear in Airteagal 43r(1), pointe (c) róthoranta in aon cheann de na cásanna seo a leanas:

- (a) tá sonraí in easnamh a fhágann nach féidir leis an bhfíoraitheoir an fhianaise is gá a fháil chun an riosca fíorúcháin a laghdú go dtí an leibhéal is gá chun leibhéal réasúnta dearbhaithe a fháil;
- (b) níor fhorghnó an t-údarás inniúil an phlean faireacháin;
- (c) ní thugtar raon feidhme ná soiléireacht leormhaith sa phlean faireacháin chun teacht ar chonclúid maidir leis an bhfíorú;
- (d) níor chuir an t-eintiteas rialáilte faisnéis leormhaith a chur ar fáil chun go mbeadh an fíoraitheoir in ann an fíorú a dhéanamh.

Airteagal 43t

Aghaidh a thabhairt ar neamh-chomhréireachtaí neamhábharta gan réiteach

1. Déanfaidh an fíoraitheoir a mheasúnú ar cheartaigh an t-eintiteas rialáilte na neamh-chomhréireachtaí a léirítear sa tuascáil fíorúcháin a bhaineann leis an tréimhse faireacháin roimhe sin de réir na gceanglas ar an eintiteas rialáilte dá dtagraítear in Airteagal 75q(4) de Rialachán Cur Chun Feidhme (AE) 2018/2066, i gcás inarb ábhartha.

Murar cheartaigh an t-eintiteas rialáilte na neamh-chomhréireachtaí sin de bhun Airteagal 75q(4) de Rialachán Cur Chun Feidhme (AE) 2018/2066, breithneoidh an fíoraitheoir an méadaíonn an t-easnamh an riosca míráitis nó an bhféadfadh sé an riosca míráitis a mhéadú.

Tuairisceoidh an fíoraitheoir sa tuascáil fíorúcháin ar réitigh an t-eintiteas rialáilte na neamh-chomhréireachtaí sin.

2. Déanfaidh an fíoraitheoir sonraí a thaifeadh sa doiciméadacht fíorúcháin inmheánach maidir le cathain agus conas a réitigh an t-eintiteas rialáilte neamh-chomhréireachtaí arna sainaithint le linn an fhíorúcháin.

Airteagal 43u

Feabhas a chur ar an bpróiseas faireacháin agus tuairiscithe

1. I gcás inar shaináithin an fíoraitheoir réimsí ina bhféadfaí feabhas a chur ar fheidhmíocht an eintitis rialáilte a bhaineann le pointí (a) go (d) den mhír seo, áireoidh sé sa tuarascáil fíorúcháin moltaí chun feabhais a bhaineann le feidhmíocht an eintitis rialáilte maidir leis na pointí seo a leanas:

- (a) measúnú riosca an eintitis rialáilte;
- (b) gníomhaíochtaí sreafa sonraí agus gníomhaíochtaí rialaithe a fhorbairt, a dhoiciméadú, a chur chun feidhme agus a choinneáil ar bun mar aon le meastóireacht ar an gcóras rialúcháin;
- (c) nósanna imeachta a fhorbairt, a dhoiciméadú, a chur chun feidhme agus a choinneáil ar bun maidir le gníomhaíochtaí sreafa sonraí agus gníomhaíochtaí rialaithe chomh maith le nósanna imeachta eile nach mór d'eintiteas rialáilte a bhunú de bhun Rialachán Cur Chun Feidhme (AE) 2018/2066;
- (d) an faireachán agus tuairisciú ar astaíochtaí, lena n-áirítear i ndáil le leibhéil níos airde a bhaint amach, rioscaí a laghdú agus éifeachtúlacht a fheabhsú san fhaireachán agus sa tuairisciú.

2. Le linn an fhíorúcháin tar éis bliana ina ndearnadh moltaí chun feabhais i dtuarascáil fíorúcháin, seiceálfaidh an fíoraitheoir ar chuir an t-eintiteas rialáilte na moltaí sin chun feabhais chun feidhme agus an bealach ina ndearnadh sin.

I gcás nár chuir an t-eintiteas rialáilte na moltaí sin chun feidhme nó nár chuir sé chun feidhme i gceart iad, déanfaidh an fíoraitheoir measúnú ar an tionchar aige sin ar an riosca a bhaineann le míráitis agus neamh-chomhréireachtaí.

Airteagal 43v

Cuairteanna ar an láithreán agus fíorú simplithe

1. Uair iomchuí amháin nó níos mó le linn an phróisis fíorúcháin, tabharfaidh an fíoraitheoir cuairt ar an láithreán chun measúnú a dhéanamh ar oibriú na bhfeistí tomhais agus na gcóras faireacháin, agallaimh a dhéanamh, na gníomhaíochtaí a cheanglaítear leis an gCaibidil seo a dhéanamh agus faisnéis agus fianaise leormhaith a bhailiú lena gcuirfear ar a chumas a chinneadh an bhfuil tuarascáil an eintitis rialáilte saor ó mhírátis ábhartha.

Agus cuairteanna ar an láithreán á ndéanamh ag an bhfíoraitheoir i gcomhréir leis an gcéad fhomhír, déanfaidh an fíoraitheoir measúnú freisin ar iomláine na sreabh breosla arna scaoileadh agus na méideanna breosla arna scaoileadh.

2. Tabharfaidh an t-eintiteas rialáilte rochtain don fhíoraitheoir ar a chuid láithreán.

3. Chun tuarascáil astaíochtaí an eintitis rialáilte a fhíorú, cinnfidh an fíoraitheoir, ar bhonn na hanailíse riosca, an bhfuil gá le cuairteanna ar shuíomhanna breise, lena n-áirítear, i gcás inarb ábhartha, i gcás ina ndéantar codanna ábhartha de ghníomhaíochtaí sreafa sonraí agus gníomhaíochtaí rialaithe i suíomhanna eile amhail ceanncheathrú na cuideachta agus oifigí lasmuigh den láithreán.

4. De mhaolú ar mhír 1, féadfaidh an fíoraitheoir a chinneadh gan cuairteanna ar an láithreán a thabhairt ar eintitis rialáilte. Beidh an cinneadh sin bunaithe ar na critéir seo a leanas:

- (a) toradh na hanailíse riosca;
- (b) an deimhniú gur féidir leis an bhfíoraitheoir na sonraí ábhartha uile a rochtain go cianda;
- (c) an deimhniú go gcomhlíontar na coinníollacha ábhartha maidir le gan na cuairteanna ar an láithreán a dhéanamh, de bhun Airteagal 43w den Rialachán seo;
- (d) an deimhniú nach bhfuil na cuairteanna sainordaitheacha ar an láithreán, de bhun mhír 7 den Airteagal seo, infheidhme maidir leis an eintiteas rialáilte sin.

Cuirfidh an fíoraitheoir a chinneadh in iúl don eintiteas rialáilte gan moill mhíchuí.

5. Cuirfidh an t-eintiteas rialáilte iarratas faoi bhráid an údaráis inniúil lena n-iarrrfar ar an údarás inniúil cinneadh an fhíoraitheora gan an chuairt a thabhairt ar an láithreán a fhorhmeas. Beidh an fhaisnéis seo a leanas ar a laghad san iarratas:

- (a) toradh na hanailíse riosca;
- (b) fianaise gur féidir na sonraí ábhartha a rochtain go cianda;
- (c) fianaise go gcomhlíontar na coinníollacha ábhartha maidir le gan na cuairteanna ar an láithreán a dhéanamh, de bhun Airteagal 43w den Rialachán seo;
- (d) fianaise nach bhfuil na cuairteanna sainordaitheacha ar an láithreán, de bhun mhír 7 den Airteagal seo, infheidhme maidir leis an eintiteas rialáilte sin.

Ní cheanglófar formheas an údaráis inniúil le haghaidh eintitis rialáilte a bhfuil astaíochtaí ísle acu, mar a shonraítear in Airteagal 75n(1) de Rialachán Cur Chun Feidhme (AE) 2018/2066.

6. Agus an fhaisnéis dá dtagraítear i mír 5, pointí (a) go (d) á cur san áireamh, cinnífidh an t-údarás inniúil an ndéanfaidh sé an cinneadh ón bhfíoraitheoir gan an chuairt a thabhairt ar an láithreán a fhorhmeas nó gan é a fhorhmeas.

I gcás nár thug an t-údarás inniúil freagra ar an iarratas ón eintiteas rialáilte, i gcomhréir le mír 5 laistigh de 2 mhí ón iarratas a fháil, measfar go bhfuil cinneadh ón bhfíoraitheoir formheasta.

7. Tabharfaidh an fíoraitheoir cuairteanna ar an láithreán i gcónaí sna cásanna seo a leanas:

- (a) tá tuarascáil astaíochtaí oibreora aerárthaigh á fíorú den chéad uair;
- (b) níor thug fíoraitheoir cuairt ar an láithreán in dhá thréimhse tuairiscithe go díreach roimh an tréimhse tuairiscithe atá ann faoi láthair;
- (c) rinneadh modhnuithe nach beag ar an bplean faireacháin, i gcomhréir le hAirteagal 75b(3) de Rialachán Cur Chun Feidhme (AE) 2018/2066, le linn na tréimhse tuairiscithe.

Airteagal 43w

Coinníollacha maidir le gan cuairteanna a thabhairt ar an láithreán

Beidh aon cheann díobh seo a leanas a bheidh ina gcoinníollacha maidir le gan cuairteanna a thabhairt ar an láithreán:

- 1 baineann fíorú na tuarascála ó eintiteas rialáilte le heintiteas de chatagóir A, mar a shonraítear in Airteagal 75e(2), pointe (a), de Rialachán Cur Chun Feidhme (AE) 2018/2066, inarb amhlaidh an méid seo a leanas:
 - (a) gur breoslaí caighdeánacha tráchtála iad na sreabha breosla arna scaoileadh lena dtomhailt ag an eintiteas rialáilte;
 - (b) cuirtear luachanna réamhshocraithe i bhfeidhm le haghaidh na bhfachtóirí ríomha;
 - (c) tá feidhm ag fachtóir raoin feidhme 1 maidir le gach sreabh breosla de bhun Airteagal 75l(1) de Rialachán Cur Chun Feidhme (AE) 2018/2066;
- 2 baineann fíorú na tuarascála ó eintiteas rialáilte le heintiteas rialáilte a bhfuil astaíochtaí ísle aige, mar a shainmhínítear in Airteagal 75n(1) de Rialachán Cur Chun Feidhme (AE) 2018/2066;
- 3 baineann fíorú na tuarascála ó eintiteas rialáilte le heintiteas de chatagóir A, mar a shonraítear in Airteagal 75e(2), pointe (a), de Rialachán Cur Chun Feidhme (AE) 2018/2066, nó eintiteas de chatagóir B mar a shonraítear in Airteagal 75e(2), pointe (b) den Rialachán sin, inarb amhlaidh an méid seo a leanas:
 - (a) comhfhreagraíonn an t-eintiteas rialáilte a chumhdaítear d'eintiteas a bhfuil oibleagáidí tuairiscithe air faoin reachtaíocht náisiúnta lena dtrasuitear Treoracha 2003/96/CE (*) agus (AE) 2020/262 (**) ón gComhairle, ar bhonn na modhanna tomhais a úsáidtear chun críocha na ngníomhartha sin nuair atá na modhanna sin bunaithe ar rialú méadreolaíoch náisiúnta;
 - (b) comhfhreagraíonn na sreabha breosla a chumhdaítear do tháirgí fuinnimh atá faoi réir reachtaíocht náisiúnta lena dtrasuitear Treoracha 2003/96/CE agus (AE) 2020/262, ar bhonn na modhanna tomhais a úsáidtear chun críocha na ngníomhartha sin nuair atá na modhanna sin ar bhonn an rialaithe méadreolaíoch náisiúnta;

- (c) cuirtear luachanna réamhshocraithe i bhfeidhm le haghaidh na bhfachtóirí ríomha;
- (d) tá feidhm ag fachtóir raoin feidhme 1 maidir le gach sreabh breosla de bhun Airteagal 75l(1) de Rialachán Cur Chun Feidhme (AE) 2018/2066.

Airteagal 43x

Fíorú simplithe agus cuairteanna fíorúla ar an láithreán

Beidh feidhm ag Airteagail 34 agus 34a maidir le fíorú astaíochtaí eintitis rialáilte a chumhdaítear le Caibidil IVa de Threoir 2003/87/CE. Chun na críche sin léifear aon tagairt don oibreoir, an tsuiteáil agus an t-oibreoir aerárthaí amhail is dá mba thagairt í don eintiteas rialáilte.

Airteagal 43y

Raon feidhme an chreidiúnaithe

Ní eiseoidh an fíoraitheoir tuarascáil fíorúcháin ach chuig eintiteas rialáilte a dhéanann gníomhaíocht a chumhdaítear le grúpa gníomhaíochta Uimhir 1c in Iarscríbhinn I a ghabhann leis an Rialachán seo ar tugadh creidiúnú don fhíoraitheoir ina leith i gcomhréir le Rialachán (CE) Uimh. 765/2008 agus leis an Rialachán seo.

Airteagal 43z

Nósanna imeachta agus doiciméadú an fhíoraitheora

1. Déanfaidh fíoraitheoir nós imeachta amháin nó níos mó a bhunú, a dhoiciméadú, a chur chun feidhme agus a choinneáil ar bun le haghaidh gníomhaíochtaí fíorúcháin dá bhforáiltear i gCaibidil IIIa, agus le haghaidh na nósanna imeachta agus na bpróiseas a cheanglaítear le hIarscríbhinn II a ghabhann leis an Rialachán seo. Agus na nósanna imeachta agus na próisis sin á mbunú agus á gcur chun feidhme ag an bhfíoraitheoir, déanfaidh an fíoraitheoir na gníomhaíochtaí a liostaítear in Iarscríbhinn II a ghabhann leis an Rialachán seo i gcomhréir leis an gcaighdeán comhchuibhithe dá dtagraítear san Iarscríbhinn sin.
2. Beidh feidhm ag Airteagail 41(2) agus 42(1) den Rialachán seo maidir le fíorú astaíochtaí eintitis rialáilte a chumhdaítear le Caibidil IVa de Threoir 2003/87/CE.
3. Cuirfidh fíoraitheoir faisnéis ar fáil don eintiteas rialáilte agus do pháirtithe ábhartha eile go tráthrialta i gcomhréir leis an gcaighdeán comhchuibhithe dá dtagraítear in Iarscríbhinn II a ghabhann leis an Rialachán seo.

Airteagal 43za

Neamhchlaontacht agus neamhspleáchas

1. Beidh fíoraitheoir neamhspleách ar an eintiteas rialáilte agus beidh sé neamhchlaonta agus é ag gabháil dá ghníomhaíochtaí fíorúcháin.

Chun neamhspleáchas agus neamhchlaontacht a áirithiú, ní bheidh an fíoraitheoir ná aon chuid den eintiteas dlítheanach céanna ina eintiteas rialáilte, úinéir eintitis rialáilte ná faoina úinéireacht, ná ní bheidh caidreamh ag an bhfíoraitheoir leis an eintiteas rialáilte a d'fhéadfadh difear a dhéanamh dá neamhspleáchas agus dá neamhchlaontacht. Beidh an fíoraitheoir neamhspleách freisin ar chomhlachtaí a thrádálann lamháltais astaíochtaí faoin gcóras trádála lamháltas astaíochtaí gás ceaptha teasa a bunaíodh de bhun Airteagal 19 de Threoir 2003/87/CE.

2. Eagrófar fíoraitheoir ar bhealach a dhéanfaidh a oibiachtúlacht, a neamhspleáchas agus a neamhchlaontacht a choimirciú. Chun críocha an Rialacháin seo, beidh feidhm ag na ceanglais ábhartha maidir le struchtúr agus eagrú an fhíoraitheora a leagtar síos sa chaighdeán comhchuibhithe dá dtagraítear in Iarscríbhinn II.

3. Ní dhéanfaidh fíoraitheoir gníomhaíochtaí fíorúcháin le haghaidh eintiteas rialáilte lena ngabhann riosca do-ghlactha dá neamhchlaontacht nó lena gcruthaítear coinbhleacht leasa dó. Ní bhainfidh an fíoraitheoir úsáid as pearsanra ná as daoine atá ar conradh chun tuarascáil ó eintiteas rialáilte a fhíorú lena mbaineann coinbhleacht leasa iarbhir nó fhéideartha. Áiritheoidh an fíoraitheoir freisin nach ndéanfaidh gníomhaíochtaí pearsanra ná eagraíochtaí difear do rúndacht, d'oibiachtúlacht, do neamhspleáchas ná do neamhchlaontacht an fhíorúcháin. Chun na críche sin, déanfaidh an fíoraitheoir faireachán ar na rioscaí don neamhchlaontacht agus déanfaidh sé gníomhaíocht iomchuí chun aghaidh a thabhairt ar na rioscaí sin.

Maidir le riosca do-ghlactha don neamhchlaontacht nó do choinbhleacht leasa dá dtagraítear sa chéad abairt den chéad fhomhír, measfar gur ann dó go háirithe i gceachtar de na cásanna seo a leanas:

- (a) i gcás ina soláthróidh fíoraitheoir nó aon chuid den eintiteas dlíthiúil céanna seirbhísí comhairliúcháin chun forbairt a dhéanamh ar chuid den phróiseas faireacháin agus tuairiscithe a bhfuil tuairisc air sa phlean faireacháin arna fhorbairt ag an údarás inniúil, lena n-áirítear forbairt na modheolaíochta faireacháin, dréachtú tuarascála eintitis rialáilte agus dréachtú an phlean faireacháin;
- (b) i gcás ina soláthróidh fíoraitheoir nó aon chuid den eintiteas dlíthiúil céanna cúnamh teicniúil chun an córas a cuireadh chun feidhme a fhorbairt nó a choinneáil ar bun chun faireachán agus tuairisciú a dhéanamh ar astaíochtaí.

4. Measfar gur tháinig coinbhleacht leasa chun cinn maidir le fíoraitheoir sa chaidreamh idir é agus an t-eintiteas rialáilte, go háirithe i gceachtar de na cásanna seo a leanas:

- (a) i gcás ina bhfuil an caidreamh idir an fíoraitheoir agus an t-eintiteas rialáilte ar bhonn na comhúinéireachta, an rialachais choitinn, na comhbhainistíochta nó an phearsanra choitinn, na n- acmhainní comhroinnte, an mhaoinithe choitinn agus na gcomhchonarthaí nó na margaíocht coitinn;
- (b) i gcás ina bhfaigheann an t-eintiteas rialáilte seirbhísí comhairliúcháin dá dtagraítear i bpointe (a) de mhír 3 nó cúnamh teicniúil dá dtagraítear i bpointe (b) den mhír sin ó chomhlacht comhairleach, comhlacht cúnamh theicniúil nó eagraíocht eile a bhfuil caidreamh aici leis an bhfíoraitheoir agus a chuireann neamhchlaontacht an fhíoraitheora i mbaol.

Chun críocha phointe (b) den chéad fhomhír, measfar go bhfuil neamhchlaontacht an fhíoraitheora curtha i mbaol i gcás ina bhfuil an caidreamh idir an fíoraitheoir agus an comhlacht comhairleach, an comhlacht cúnamh theicniúil nó an eagraíocht eile ar bhonn na comhúinéireachta, an rialachais choitinn, na comhbhainistíochta nó an phearsanra choitinn, na n- acmhainní comhroinnte, an mhaoinithe choitinn agus na gcomhchonarthaí nó na margaíocht coitinne agus na híocaíochta coitinne ar choimisiún díolacháin nó dreasú eile chun cliaint nua a tharchur.

5. Ní dhéanfaidh fíoraitheoir tabhairt i gcrích an chomhaontaithe idir an t-eintiteas rialáilte agus an fíoraitheoir, an t-athbheithniú neamhspleách ná eisiúint na tuarascála fíorúcháin a sheachfhoinsiú. Chun críocha an Rialacháin seo, nuair a bheidh gníomhaíochtaí fíorúcháin eile á seachfhoinsiú, comhlíonfaidh an fíoraitheoir na ceanglais ábhartha a leagtar síos sa chaighdeán comhchuibhithe dá dtagraítear in Iarscríbhinn II.

Mar sin féin, chun críocha na chéad fhomhíre, ní hionann daoine aonair a chur faoi chonradh chun gníomhaíochtaí fíorúcháin a dhéanamh, má ghlacann an fíoraitheoir, le linn dó na daoine sin a chur faoi chonradh, freagracht iomlán as na gníomhaíochtaí fíorúcháin a dhéanann pearsanra ar conradh. Nuair a bheidh daoine aonair ar conradh chun gníomhaíochtaí fíorúcháin a dhéanamh, cuirfidh an fíoraitheoir de cheangal ar na daoine aonair sin comhaontú i scríbhinn a shíniú go gcomhlíonann siad nósanna imeachta an fhíoraitheora agus nach bhfuil coinbhleacht leasa ann agus na gníomhaíochtaí fíorúcháin sin á ndéanamh.

6. Déanfaidh fíoraitheoir próiseas a bhunú, a dhoiciméadú, a chur chun feidhme agus a choinneáil ar bun chun neamhchlaontacht agus neamhspleáchas leanúnach an fhíoraitheora a áirithiú, mar aon le neamhchlaontacht agus neamhspleáchas leanúnach na gcodanna den eintiteas dlítheanach céanna, eagraíochtaí eile dá dtagraítear i mír 4, agus gach pearsanra agus gach duine ar conradh a bhfuil baint acu leis an bhfíorú. Áireofar sa phróiseas sin sásra chun neamhchlaontacht agus neamhspleáchas an fhíoraitheora a chosaint agus chun na ceanglais ábhartha a leagtar síos sa chaighdeán comhchuibhithe dá dtagraítear in Iarscríbhinn II a chomhlíonadh.

6a. Nuair a dhéanfaidh fíoraitheoir an t-eintiteas rialáilte céanna a fíoraíodh an bhliain roimh sin a fhíorú, déanfaidh an fíoraitheoir an riosca don neamhchlaontacht a mheas agus déanfaidh sé bearta chun an riosca don neamhchlaontacht a laghdú.

7. Ó 2026 ar aghaidh, i gcás ina ndéanfaidh an t-iniúcháir CTA AE fíorú bliantúil ar astaíochtaí a chumhdaítear le Caibidil IVa de Threoir 2003/87/CE le haghaidh tréimhse 5 bliana as a chéile maidir le heintiteas rialáilte ar leith, tógfaidh sé briseadh 3 bliana as a chéile ó sheirbhísí fíorúcháin a sholáthar don eintiteas rialáilte céanna sin.;

(*) Treoir 2003/96/CE ón gComhairle an 27 Deireadh Fómhair 2003 lena ndéantar athstruchtúru ar an gcreat Comhphobail le haghaidh cáin a ghearradh ar tháirgí fuinnimh agus ar leictreachas (IO L 283, 31.10.2003, lch. 51, ELI: <http://data.europa.eu/eli/dir/2003/96/oj>).

(**) Treoir (AE) 2020/262 ón gComhairle an 19 Nollaig 2019 lena leagtar síos na socruithe ginearálta maidir le dleacht mháil (IO L 58, 27.2.2020, lch. 4, ELI: <http://data.europa.eu/eli/dir/2020/262/oj>).

(30) in Airteagal 44, cuirtear an méid seo a leanas in ionad na chéad fhomhíre:

‘Maidir le fhóraitheoir a eisiónn tuarascáil fíorúcháin d’oibreoir, oibreoir aerárthaí nó eintiteas rialáilte, beidh sé creidiúnaithe i leith raon feidhme na ngníomhaíochtaí dá dtagraítear in Iarscríbhinn I a bhfuil fíorú na tuarascála ó oibreoir, oibreoir aerárthaigh nó ó eintiteas rialáilte á dhéanamh ag an bhfóraitheoir ina leith.;

(31) cuirtear an méid seo a leanas in ionad Airteagal 45:

‘Airteagal 45

Cuspóirí an chreidiúnaithe

Le linn an phróisis creidiúnaithe agus an fhaireacháin ar fhóraitheoirí creidiúnaithe, déanfaidh gach comhlacht náisiúnta creidiúnaithe measúnú i dtaobh an bhfuil an méid seo a leanas amhlaidh i leith an fhóraitheora agus a phearsana a bhfuil gníomhaíochtaí fíorúcháin á ndéanamh acu:

(a) tá an inniúlacht acu maidir le tuarascálacha ó oibreoir nó ó oibreoir aerárthaigh nó ó eintiteas rialáilte a fhíorú i gcomhréir leis an Rialachán seo;

(b) tá tuarascálacha ó oibreoir nó ó oibreoir aerárthaigh nó tuarascáil ó eintiteas rialáilte á bhfíorú acu i gcomhréir leis an Rialachán seo;

(c) comhlíonann siad na ceanglais dá dtagraítear i gCaibidil III agus, chun tuarascáil an eintitis rialáilte a fhíorú, Airteagail 43y go 43za.;

(32) in Airteagal 48(1), cuirtear an méid seo a leanas in ionad phointe (c):

‘(c) fianú ar an gcuid ionadaíoch den raon feidhme a iarradh maidir le creidiúnú agus feidhmíocht agus inniúlacht líon ionadaíoch d’fhoireann an iarratasóra atá rannpháirteach i bhfíorú thuarascáil an oibreora nó an oibreora aerárthaigh nó thuarascáil an eintitis rialáilte chun a áirithiú go bhfuil an fhoireann ag feidhmiú i gcomhréir leis an Rialachán seo.;

(33) in Airteagal 56, cuirtear an méid seo a leanas in ionad na chéad fhomhíre:

‘Más rud é go measann Ballstát nach bhfuil sé fóinteach ná inbhuanaithe ar bhonn eacnamaíoch comhlacht náisiúnta creidiúnaithe a cheapadh nó seirbhísí creidiúnaithe áirithe a chur ar fáil de réir bhrí Airteagal 15 nó Airteagal 30f de Threoir 2003/87/CE, rachaidh an Ballstáit sin ar iontaoibh comhlachta náisiúnta creidiúnaithe Ballstáit eile.;

(34) in Airteagal 58(2), cuirtear an méid seo a leanas in ionad an dara fomhír:

‘Áireofar ar an bhfoireann mheasúnaithe duine amháin ar a laghad a bhfuil eolas aige ar fhaireachán agus ar thuairiscíú ar astaíochtaí gás ceaptha teasa de bhun Rialachán Cur Chun Feidhme (AE) 2018/2066 atá ábhartha maidir le raon feidhme an chreidiúnaithe agus an inniúlacht agus an tuiscint aige is gá chun measúnú a dhéanamh ar na gníomhaíochtaí fíorúcháin laistigh den tsuiteáil, an t-oibreoir aerárthaigh nó an t-eintiteas rialáilte le haghaidh an raoin feidhme sin, agus duine amháin ar a laghad a bhfuil eolas aige ar reachtaíocht agus treoir náisiúnta ábhartha.;

(35) in Airteagal 62, cuirtear an méid seo a leanas in ionad na habairte réamhráití:

‘I gcás ina bhfuil gearán maidir leis an bhfóraitheoir faighte ag an gcomhlacht náisiúnta creidiúnaithe ón údarás inniúil, an t-oibreoir, an t-oibreoir aerárthaigh, an t-eintiteas rialáilte nó ó pháirtithe leasmhara eile, déanfaidh an comhlacht náisiúnta creidiúnaithe an méid seo a leanas laistigh de thréimhse ama réasúnach ach tráth nach déanaí ná 3 mhí ón dáta a fuarthas é.;

- (36) cuirtear an méid seo a leanas in ionad Airteagal 69:

‘Airteagal 69

Malartú leictreonach sonraí agus úsáid córas uathoibrithe

1. Féadfaidh na Ballstáit a cheangal ar fhíoraitheoirí teimpléid leictreonacha nó formáidí comhaid sonracha a úsáid le haghaidh tuarascálacha fíorúcháin i gcomhréir le hAirteagal 74(1) nó Airteagal 75u de Rialachán Cur Chun Feidhme (AE) 2018/2066 nó i gcomhréir le hAirteagal 13 de Rialachán Tarmligthe (AE) 2019/331.

2. Féadfar teimpléid leictreonacha chaighdeánaithe nó sonraíochtaí formáide comhaid a chur ar fáil le haghaidh cineálacha breise cumarsáide idir an t-oibreoir, an t-oibreoir aerárthaigh, an t-eintiteas rialáilte, an fíoraitheoir, an t-údarás inniúil agus an comhlacht náisiúnta creidiúnaithe i gcomhréir le hAirteagal 74(2) nó Airteagal 75u de Rialachán Cur Chun Feidhme (AE) 2018/2066.’;

- (37) in Airteagal 71(1), cuirtear an méid seo a leanas in ionad phointe (a):

‘(a) am agus áit an fhíorúcháin a bhfuil coinne leis, lena n-áirítear faisnéis i dtaobh an ndéanfar cuairt fhisiceach nó fhíorúil ar an láithreán;’;

- (38) in Airteagal 73(1), cuirtear an méid seo a leanas in ionad phointí (a) agus (b):

‘(a) torthaí ábhartha ón tseiceáil ar thuarascáil an oibreora nó an oibreora aerárthaigh nó tuarascáil an eintitis rialáilte agus ó na tuarascálacha fíorúcháin comhfhreagracha, go háirithe maidir le haon neamhchomhlíontacht shainitheanta ag an bhfíoraitheoir sin leis an Rialachán seo;

(b) torthaí ón iniúchadh ar an oibreoir, an t-oibreoir aerárthaigh nó t-an eintiteas rialáilte i gcás ina bhfuil na torthaí sin ábhartha don chomhlacht náisiúnta creidiúnaithe i ndáil le creidiúnú agus faireachas an fhíoraitheora nó i gcás ina n-áirítear leis na torthaí sin aon neamhchomhlíontacht shainitheanta ag an bhfíoraitheoir sin leis an Rialachán seo;’;

- (39) in Airteagal 76, cuirtear an méid seo a leanas in ionad mhír 1:

‘1. Bunóidh agus bainistoidh comhlachtaí náisiúnta creidiúnaithe, nó i gcás inarb infheidhme údaráis náisiúnta dá dtagraítear in Airteagal 55(2), bunachar sonraí agus ceadóidh siad rochtain ar an mbunachar sonraí sin do chomhlachtaí náisiúnta creidiúnaithe eile, údaráis náisiúnta, fíoraitheoirí, oibreoirí, oibreoirí aerárthaigh, eintitis rialáilte agus údaráis inniúla.

Maidir leis an gcomhlacht a aithnítear faoi Airteagal 14 de Rialachán (CE) Uimh. 765/2008, déanfaidh sé rochtain ar na bunachair shonraí a éascú agus a chomhchuiibhiú chun cumarsáid éifeachtúil chostéifeachtach a chumasú idir comhlachtaí náisiúnta creidiúnaithe, údaráis náisiúnta, fíoraitheoirí, oibreoirí, oibreoirí aerárthaigh, eintitis rialáilte údaráis inniúla, agus féadfaidh sé na bunachair sonraí sin a réiteach ina mbunachar sonraí aonair láraithe.’;

- (40) leasaítear Airteagal 77(1) mar a leanas:

(a) cuirtear an méid seo a leanas in ionad phointí (a) agus (b):

‘(a) am agus áit bheartaithe na bhfíorúcháin a bhfuil an fíoraitheoir sceidealaithe lena ndéanamh, lena n-áirítear faisnéis i dtaobh an ndéanfar cuairt fhisiceach nó fhíorúil ar an láithreán;’;

(b) seoladh agus sonraí teagmhála na n-oibreoirí nó na n-oibreoirí aerárthaigh a bhfuil a n-astaíochtaí, a dtuarascálacha ar shonraí bonnlíne, a dtuarascálacha sonraí maidir le hiontrálaí nua nó a dtuarascálacha bliantúla ar an leibhéal gníomhaíochta faoi réir a fhíorúcháin;’;

(b) cuirtear isteach an pointe (ba) seo a leanas:

‘(ba) seoladh agus sonraí teagmhála na n-eintiteas rialáilte a bhfuil a dtuarascálacha astaíochtaí faoi réir fíorúcháin;’;

(c) cuirtear an méid seo a leanas in ionad phointe (c):

‘(c) ainmneacha bhaill na foirne fíorúcháin agus raon feidhme an chreidiúnaithe faoina dtagann gníomhaíocht an oibreora, an oibreora aerárthaigh nó an eintitis rialáilte;’;

- (41) Leasaítear Iarscríbhinn I agus II a ghabhann le Rialachán Cur Chun Feidhme (AE) 2018/2067 i gcomhréir leis an Iarscríbhinn a ghabhann leis an Rialachán seo.

*Airteagal 2***Teacht i bhfeidhm agus cur i bhfeidhm**

Tiocfaidh an Rialachán seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm ag Airteagal 1, pointí (4), (7)(a)(i), (12)(d), (13)(d), (18)(b), (18)(c)(vii), (26) go (29), (38), (40)(b) agus (c) agus pointe 2(a) den Iarscríbhinn ón 1 Eanáir 2025 ar aghaidh.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, an 8 Bealtaine 2024.

Thar ceann an Choimisiúin

An tUachtarán

Ursula VON DER LEYEN

IARSCRÍBHINN

Leasaítear Iarscríbhinní I agus II a ghabhann le Rialachán Cur Chun Feidhme (AE) 2018/2067 mar a leanas:

(1) Leasaítear Iarscríbhinn I mar a leanas:

(a) cuirtear an méid seo a leanas in ionad na foclaíochta réamhráití a ghabhann leis an tábla:

‘Léireofar raon feidhme creidiúnúcháin fíoraitheoirí sa deimhniú creidiúnaithe trí úsáid a bhaint as na grúpaí gníomhaíochtaí a leanas de bhun Iarscríbhinn I agus Chaibidil IVa de Threoir 2003/87/CE agus gníomhaíochtaí eile de bhun Airteagal 10a agus Airteagal 24 de Threoir 2003/87/CE. Beidh an fheidhm chéanna ag na forálacha sin maidir le fíoraitheoirí arna ndeimhniú ag údarás náisiúnta i gcomhréir le hAirteagal 55(2) den Rialachán seo.’;

(b) leasaítear an tábla mar a leanas:

(i) cuirtear isteach an ró 1c seo a leanas:

‘1c	Fíorú astaíochtaí a chumhdaítear le Caibidil IVa de Threoir 2003/87/CE’;
-----	--

(ii) cuirtear an méid seo a leanas in ionad an tríú ró:

‘2	Scagadh ola’;
----	---------------

(iii) cuirtear an méid seo a leanas in ionad an cheathrú ró:

‘3	— Táirgeadh cóic
	— Mian miotail (lena n-áirítear mian suilfide) a róstadh nó a shintearú, lena n-áirítear millíniú
	— Táirgeadh iarainn nó cruach (comhleá príomhúil nó tánaisteach) lena n-áirítear teilgean leanúnach’;

(iv) cuirtear an méid seo a leanas in ionad an séú ró:

‘5	Táirgeadh alúmanaim nó alúmana phríomhúil (astaíochtaí CO ₂ agus sárfhluaracarbóin)’;
----	--

(v) cuirtear an méid seo a leanas in ionad an naoú ró:

‘8	— Táirgeadh duibh carbóin
	— Táirgeadh amóinia
	— Táirgeadh ceimiceán orgánach i mbulc trí scoilteadh, athfhoirmiú, ocsaídiú páirteach nó iomlán nó trí phróisis chomhchosúla
	— Táirgeadh hidrigine (H ₂) agus gáis shintéisigh
	— Táirgeadh luatha sóide (Na ₂ CO ₃) agus décharbónáite sóidiam (NaHCO ₃)’;

(vi) cuirtear an méid seo a leanas in ionad an aonú ró déag:

‘10	— Gabháil gás ceaptha teasa ó shuiteálacha a chumhdaítear le Treoir 2003/87/CE chun críche iompair agus stórála geolaíche i láithreán stórála a cheadaítear faoi Threoir 2009/31/CE
	— Iompar gás ceaptha teasa le haghaidh stóráil gheolaíoch i láithreán stórála a cheadaítear faoi Threoir 2009/31/CE, cé is moite de na hastaíochtaí sin a chumhdaítear le gníomhaíocht eile a liostaítear in Iarscríbhinn I a ghabhann le Treoir 2003/87/CE’;

(vii) cuirtear an méid seo a leanas in ionad an tríú ró déag maidir le grúpa gníomhaíochta 12:

'12	Gníomhaíochtaí eitlíochta (sonraí astaíochtaí) ;
-----	--

- (2) leasaítear Iarscríbhinn II mar a leanas:
- (a) cuirtear an méid seo a leanas in ionad phointe (a):
'(a) próiseas agus beartas maidir le cumarsáid leis an oibreoir, an t-oibreoir aerárthaigh nó an t-eintiteas rialáilte agus le páirtithe ábhartha eile;'
 - (b) cuirtear an méid seo a leanas in ionad phointe (e):
'(e) próiseas chun tuarascáil fíorúcháin athbhreithnithe a eisiúint i gcás inar sainathnódh earráid sa tuarascáil fíorúcháin, i dtuarascáil an oibreora nó an oibreora aerárthaigh nó i dtuarascáil an eintitis rialáilte tar éis don fhóraitheoir an tuarascáil fíorúcháin a chur faoi bhráid an oibreora, an oibreora aerárthaigh nó an eintitis rialáilte lena cur faoi bhráid an údaráis inniúil ina dhiaidh sin;'